







2012




翰苑英華中州集
二



中州丙集第三





中州丙集第三

劉龍山仲尹 十八首

劉記室迎 十六首

許內翰安仁 六首

承百党公 十四首

黃華王庭筠 二十首

禮部趙閑閑秉文 十三首

劉龍山仲尹

仲尹字致君蓋州人後遷沃州正隆二年進士以潞州節度副使召為都水監承平致君家世豪侈而能折節讀書詩樂府俱有蘊藉有龍山集嘗於其外孫欽叔處見之叅清翁而得法者也

墨梅 十首

瘦損昭陽鏡裏春漢家公主奉烏孫淚痕盡穹廬月誰道神香解返魂絕纓人醉燭花殘主意方濃未厭歡十五瓊兒梳洗薄琵琶才許近簾彈生憎施粉與施朱換骨玄都亦自殊疎影冷香題不到夢驚煙雨暗西湖趙郎愛香人不知羅浮山下有佳期春寒徹骨角聲起才記參橫月墮時君王鳳駕九龍池後輦傳呼召雪兒狼籍玉臺銀燭暗丁香小麝印宮眉鐘鼓沉沉度苑墻玉繩初直殿東廂荀妃早發雞鳴埭殘月微分燭下粧

衡州何處問花光
抹月批風只欠香
安得江南斷腸句
爲題風雨浣啼粧
高髻長娥滿漢宮
君王圖玉按春風
龍沙萬里王家女
不著黃金買畫工
古絹誰藏謝女真
天寒翠袖一招魂
江山嫁盡風流夢
雪滿冰溪月掛村
妙畫工意不工俗
老子見畫只尋香
未應塗抹相欺得
政自不爲時世粧

自理

日日南軒學畫魚
隱中獨愛隱於書
覓癡婦笑謀生拙
不道從來與世踈

西溪牡丹

爲雲爲雨定成虛
醉臉籠嬌試粉初
舉國春風避姚魏
換胎天質到黃徐
百年金谷憑欄袖
三月揚州載酒車
我欲禪居淨餘習
湖灘枕石看游魚

秋盡

利祿蝸涎壁年華
蟻夢槐秋隨庭樹
老寒逐鴈聲來養
性論三適分愁詠
七哀閉門人客少
書藉遠床堆

晚陰

歲滂饒秋雨雲寒
結暝陰晚芳留凍
蝶踈木立飢禽閑
覺交游減衰從
老病尋安眠
恐微倖底用說初心

冬日

刁騷短髮鑷還生
鏡裏形骸只自驚
睡枕食槃翻歲月
頭風股痺識陰晴
鳩棲任笑謀生拙
兔簡難忘照眼清
不用煖爐公庫酒
試容擁被聽雞聲

寒夜

漏聲穿竹夜霜清
儘着功夫伴短檠
睡足梅花半梢月
虛徐老臯學香生

秋日東齋

一區寂寞子雲家
使腹那能貯五車
筋力只今如老鶴
筆頭新愛縮秋蛇
樹間風定葉漫徑
籬外雨寒梅着花
勝日一樽能笑客
更須官鼓候晨樞

窻外梅蕾 三首

玉兒秀穉雲帷藏
量觀已覺餅水香
過眼空花均一寓
十分春色屬秋堂
細蕾初看柳麥肥
春風得得遶窻扉
道是芳作玉溪夢
石塢竹橋風雪飛

初秋夜涼

小蟲機杼月西廂
風雨纔分半枕涼
白髮自疎河漢夢
一瓶秋水玉簪香
謝孔遵席後堂
畫山水圖 後堂號秀隱君

家在龍沙弱水東
竭來塵世笑春風
都將天外蓬壺景
漏作人間畫手工

玉腕雪迴犀管細寶煉香散鳳綃空只應大地山河影常記飛鸞下月中
別墅二首

墻根雨大土花碧秋筍寒添一兩莖愛買僻書人笑古痛憎俗事自知清
黃花催織鈿鈿出白髮欺人故故生醴粥年來吾稍具厭隨鞍馬逐浮名
風雨驅寒入弊裘閑齋氣味冷颼颼年華過眼驚飛鳥利祿催人窘督郵
竈下旋添溫坑火床頭剩買讀書油可人誰似黃天子着意裁詩寄四休

龍德宮

碧拱朱甍面面開翠雲稠疊鎖舊鬼連昌庭檻渾裁竹罨畫溪山半是梅
藻井香銷塵化網銅欄秋澁雨留苔只應千古華清月狼籍春風媿露臺

餘糜
西四

相看絕是好交友着眼江梅李孟中海窟笙簫來鶴背月林冰雪繞春風
蒲前玉蕊名尤重特地梨花夢不同安得涪翁香一瓣種成聊供小南豐

夏日

床頭書冊聚麻沙病起經旬不煮茶更爲炎蒸設方略烹烹山蜜破松花
不出

好詩讀罷倚團蒲唧唧銅鉶沸地爐天氣稍寒吾不出瞿瞿分坐與狸奴

一室

老來湖海媿陳登只有頭鬚未是僧坐對黃昏鍾鼓定竹根吹火上吟燈
欽叔所傳少時豪氣愛陳登老去真成有髮僧

劉記室迎

迎字無黨東萊人初以陰試部掾大定十三年用薦書對策爲當時第一
明年登進士弟除函王府記室改太子司經顯宗特親重之二十年從駕
涼陘以疾卒章宗即位錄舊學之勞賜其子國樞進士弟無黨自號無諍
居士有詩文樂府號山林長語詔國學刊行

淮安行

淮安城壁空樓櫓風雨半摧雜糞土傳聞兵火數年前西觀竹間藏乳虎
迄今井邑猶荒涼居民生衣負推場馬軍步軍自來往南客北客相經商
近來戶口雖增出主戶中間十無一重閭風俗樂過從學得南人煮茶喫
青衫從事今白頭一官乃得西南陬宦游未免簡書畏歸去更懷門戶憂
世緣老矣百不好落筆尚能哦楚調從今買酒樂昇平爛醉歌呼客神廟

修城行

淮安城郭真虛設父老年前向予說築時但用雞糞土風雨即摧乾更裂
祇今高低如堵墻舉頭四野青茫茫不知地勢實衝要東連鄂渚西襄陽
誰能一勞謀永逸四壁依前護博石免令三歲二歲間費盡千人萬人力
唐州後堽
用此策也

河防行

南州一雨六十日所至川源皆泛溢黃河道及秋水時夜來決破陳河堤
河神憑陵雨師借晚未及晴昏復下傳聞一百五十村蕩盡田園及廬舍
我聞禹時播河為九河一河既滿還之他川平地迥勢隨弱安流是以無
驚波祇今茫茫餘故迹未易區區議疏關三山橋壞勢益南所過泥沙若
山積大梁今世為陪京財賦百萬資甲兵高談泥古不須爾且要築堤三
百里鄭為頭汴為尾淮倫他時漲河水

普照旃檀像舊物也方丈老人比以見還作詩謝之

我昔游京師稽首禮瑞像堂堂紫金身未現大法藏裝嚴七寶九重疊
九霞帳光如百千日晃耀不容望想初法王子運力攝諸匠環材發神祕

妙跡出智創風流蜀居士翰墨老彌壯雷霆大地底音樂諸天上猶疑三
十二具梵音相不知點真正勝千語浪嗚呼五因緣語綺反成謗我今
獨何幸相見問無恙文殊本無二何處覓真妄庶修香火供獲脫煩惱障
天龍想驚喜訶衛日歸向已覺海潮音入天會方丈

梁忠信平遠山水

憶昔西游大梁苑王堂門閉花陰晚壁間曾見郭熙畫江南秋山小平遠
別來南北今十年塵埃極目不見山鳥靴席帽動千里只慣馬蹄車轍間
明窻短幅來何處亂點依稀澹寒具煥然神明頓還我似向白玉堂中住
濛濛煙靄樹老蒼上方樓閣山夕陽一千頃碧照秋色三十六峯疑曉光
懸崖高居誰氏宅縹緲危欄葺有榭定知枕石高卧人常笑騎驢遠遊客
當時畫史安定梁想見泉石成膏肓獨將妙意寄毫楮我愧雨立隨諸郎
此行真成幾州錯區區此路風波惡還家特作發願文伴我山中老猿鶴

連日雪惡用聚星堂雪詩韻

朔風朝來放雲葉紛紛吹落龍沙雪山河大地同一如變化頃臾亦奇絕
參天松頂老猶強捨地竹頭低欲折亂飄書帙愛窻明狂入地爐驚火滅

重衾方擁膚尚粟凍筆將書肘先掣未容裹白點墳華只許醉紅生面頰
何人清唱隨梁塵有客高吟霏鋸屑昔賢句法今尚在斷臂阿誰心地敞
後生曠世安敢望故事歷劫徒能說是中聖處公會無一粒靈丹工點鐵
徐夢弼以詩求蘆菹輒次來韻

昔聞趙州老老大猶泛愛說法利人天機緣不勝在當年鎮府話蓋以小
喻大具眼領略之於茲豈無待嗚呼後來者見趣遠不逮又聞東坡公謫
居飽鮭菜暮年海南住几席溪山對自饌一杯羹老狂猶故態取喜霜露
秋味出雞豚外乃知作詩本口腹不無賴風流二大士妙處無向背在家
與出家相投若針芥先生今復然秀句筆端快誰云修法供遊戲出狼狽
一飽待明年桑麻歌佩佩

再次前韻

神農嘗草木濟世以仁愛根源列郡出品自成書載中云萊菹根試驗頗
爲大昌谷嘔時須文園渴嘗待食異地黃并効與蕪菁速豈惟齒衆藥政
自冠諸菜五州風立宜罽布畦龍對壘鋤盡衆力封培窮百態翠角春雨
中黃花晚煙外日送盤筯資歲給餅罌賴片玉出頭顱層冰起膚背脆美

掩萹葵甘辛敵薑芥物生貴有用對此一何快儲貯得沉涵弃遺免狼狽
但足齊人食何慚楚臣佩

鯪魚

君不見二牢山下獅子峯海波萬里家魚龍金鷄一唱火輪出曉色下瞰
扶桑宮榭林葉老霜風急雪浪如山半空立貝闕軒騰水伯居瓊瑰噴薄
蛟人泣長鑱白柄光芒寒一葦去橫煙霧務開峯巒百疊破螺甲宮室四面
開螺山碎身粉骨成何事口晦之珍乃吾崇郡曹受賞雖一言國史收痂豈
非罪筠藍一千里來百半筵收羹材色新欲透瑪瑙盃味勝可浥葡萄
醅飲客醉頰浮春紅金盤旋覺放箸空齒牙寒光澈明月宵臆秀氣噴長
虹平生浪說江瑤柱大嚼從今不論數我老安能汗漫遊買舡欲訪漁郎去

樓前曲

樓前山色秋橫碧樓下水光秋漫白眼看對此千里愁樓下長歌古離別
蕭蕭郎馬何時歸鴈奴去作斜行飛灞橋過客夕陽遠渭城行人朝雨微
玉凄花冷令人瘦日暮倚樓雙翠袖蕙炷猶殘鷓鴣香翅塵半著鴛鴦繡
五雲飛過芙蓉城洞天冷落雲間笙妾身有願化春草伴君長亭仍短亭

題十眉圖

寶箱拂鹿盃鋸鉞周昉丹青見真筆春風曾憶賦妖嬈人共畫圖成十一
燭奴香底花光凝錚錚鐵響聞三更車聲雷動不通語眼態波橫空送情
鬢雲盤鶴遼天闊犀玉依依對書札人生何處不相逢還醉武陵溪上月

雲中君圖

衣若新沐蘭湯薰靈巫拜舞方迎神恍然相見帝者服九歌昔詠雲中君
畫史亦可人妙入造化域羽衣玉塵華英且閑此意不知何處得空明倏忽
紛溟濛胡爲眷眷臨壽宮飄然來下復遠舉想像決去隨飛龍祠空人散
秋蕭瑟落日猿聲喚秋色湘天極目青茫茫憑高一望無南北

楚山清曉圖

山娟娟江茫茫綠山林木老已蒼蒼牙林細路縈羊腸汀洲人家蘭杜香兩
山秀出江中央宛如雙劍林鋒鋒層巒架空化寶坊塔波突兀一氣傍雜
聲啞啞林鳥翔頭瞻曙色開東方清風宿霧務支蒼涼兜羅綿網淡平野
紫磨金餅噉浮桑櫓聲才動欲離岸鐘韻已殘猶殷床當年有米維楚狂
生子亦復肖阿章想從乃翁住朝陽收拾山綠餐湖光膝前翰墨觀淋浪

此圖戲出遂擅場彼衆史者何敢當不然安得牙籤犀軸古錦囊賞覽
一朝蒙古皇

題劉德文戲絲堂

郵傳文書日傍午過眼不容留頃許先生遣使談笑閒退食歸來奉慈母
吾不愛錦衣榮歸誇梓里吾不愛繡袞徒步登槐府傳家所愛作寧馨入
室不愁無阿賭堂中怡愉奉顏色堂下嬉戲同兒女十分壽分泛醅耐五
色絲衣紛雜組映堦萱草弄春色循陔蘭葉榮朝雨先生道經藉古人似早
歲聲名天尺五拘縻豈容坐兀曹獻納直宜趨禁所更書屈指今幾日許
看褒詔傳天語龍光散艷動庭闈湯沐疏封分郡去芝封鈿軸爛雲錦羽
衣寶帔輝金縷形容何止一畫圖歌詠亦須流樂譜區區賤子獨何幸晚
喜宗盟同鼻祖他年一笑約壯堂萬石尊前拜嚴姥

送劉德正

驥駟蟻垤空莫干犀革斷人材必超軼物理乃融泮先生廊廟具冰雪自
前隘十年處繁豪風力濟詳練堂堂八面敵了了一笑聚雲中國西邑食
貨資輓轉中臺輟之去正倚咄嗟辦從容九年蓄坐想出鞭筭向來塩鐵

使緒業著家傳春朝觀上計廣厦奉間燕行矣需詔除鷄行聳榮觀

盤山招隱圖

溪山不難買所費千金儲不如數峯雲朝昏對吾廬交游豈無人轉盼傷
離君不如吾兄弟相應如笙箏左僕藜名族温温器瑤瑋身雖而朝寄心
與功名疎伯也亦可人文華炳於菟風神贊魁偉襟韻含冲虚平生一片
心緣塵不關渠相期有幽事歲晚山林俱綵服照黃冠歡呼奉親輿夫婦
侍巾帨中婦供庖厨諸孫戲膝前翩然鳳將雛朝采南澗芹暮漉西溪魚
煙霞入杖屨風月來窓疏觀竹上巢雲禮佛登香爐紅龍雪浪湧白塔蒼
煙孤水絃寫天籟茶甌泛雲腴使哉天下樂俯仰餘何須正恐老太冲招
隱昔所無

寄題禹城孫氏茂德亭

濟南孫夫子養素抱絕識家有五畝園種樹如種德枝葉深覆護根本飽
封殖要令方寸地不著荆與棘流芳被鄰里餘蔭連阡陌居然物隨化草
木盡佳色河陽藝桃李壽張時梓深至今青史上相望如黑白乃知百年
用賴此一日積君今尚隱約白首勤艱關人心亦天理否泰有終極會得

東風來吹春滿花園

郭熙秋山平遠用東坡韻

槐花忙過舉子閑舊將意在夷門山玉堂曾見郭熙畫拂拭縑素塵埃間
楚天極目江天遠楓林渡頭秋思晚煙中一葉認扁舟雨外數峯擗翠巘
淮安客官踰三霜雲夢澤連襄漢陽平生獨不見寫本慣飲山綠食湖光
老來思歸真日日夢想林泉對華髮丹青安得此一流畫我橫筇水中石

南口

危峯張屏幃峻壁開戶牖崩騰來陣馬翔舞下靈鷲鳥秀色紛後前晴嵐迷
左右重陰忽障翳虛籟競靜孔深迂變風日高兀捫星斗帝居望北闕村
落當南口軍都漢時縣遺跡奄存否中郎讀書處遺構想摧朽誰云用武
地經訓乃淵藪我家膠東潛樸學歎白首居鄰通德里况此見師友慙無
書帶草采采為盈手何以醉先生清溪綠如酒

晚到八達嶺下達旦乃上

車馬兩山間上下數百里縈紆來不斷奕奕似流水鯨形曲腰齊蛇勢長
首尾我車從其間搖兀如病齒推前挽復後進寸退還咫尺心固安分尚

氣或被指徐趨自循轍蹀進應覆執行行非我令柅亦豈吾使倦僕困號
哮喘牛苦鞭箠統如五更鼓相慶得戾止歸來幸無恙喘汗正如洗何以
慰此勞村醅正浮蟻

出八達嶺

山險略已出彌望盡荒坡風土日已殊氣象微沙陀我老倦行役驅車此
經過時節春已夏土寒地無禾行路不肯留奈此居人何作詩無佳語以
代勞者歌

隰川

隰川來西州數郡被其利刺陵放而南奔駛不可制茲焉幸不幸長策未
容議且復觀其瀾雄豪快人意

上谷

磨笄從骨然來隰水洶而去山川俯城郭藩翰重畿輔桑麻數百里煙火幾
萬戶長橋龍偃蹇飛閣鳳騰翥傳聞山西地出入此其路源源百化貝積井
井三壤賦葡萄秋倒架芍藥春滿樹盤躡多布韋嬋娟半娥素求懷小靖
節厚德皆忠恕至今受一廬如昔歌五袴傷心隔生死知已今有數歸日

當驅車生芻莫其墓

蔡有鄰碑

我為山西行叱馭過近縣傳聞蔡有鄰石刻古今冠風流書以來妙絕隸之
變銀鉤鸞鳳舞鐵畫蛟龍纏憑誰致墨本故舊詫珍獻正恐賦分薄一夕
碎雷電平生六一老集古藏千卷惜此方殊鄰公平未之見

車輶輓

馬虺隤牛穀棘山行縈紆車輶輓路傍拍點是官人老矣一翁雙鬢禿汝
牛幸可耕汝馬幸可騎有此可載琴書歸胡為奔走東西道白髮刁騷被突
沙漫漫草班班南山北山相對看我行乃在山之間行人仰不見飛鳥樹

木足知邊塞少沙漫漫草班班我行欲赴西風還僕夫汝莫愁衣單我但
着衣思汝寒

推車行

渾河洶湧從西來黃流正觸山之崖山崖路窄僅容過小誤往往車輪推
車推料理動半日後人欲過何艱澁深山日暮人已稀食物有錢無處覓

何時真宰遣六丁
鑪此疊嶂如掌平
幢幢車馬山西路
萬古行人易來去

敗車行

前車行後車逐車聲夜隨山
詰曲前車失手落高崖
車輪直下聲如雷
同行急救不得人
牛翻壓鳴聲哀
我時潛聞後車說
前車使牛何太拙
只知拍手笑前人
不道後來當改轍
前途猶有坡陀在
後車當以前車戒

數日冗甚懷抱作惡作詩自遣

生涯吾亦愛五屨
踏地從來出賦租
胃坎有懷空魂磊
人間無處不崎嶇
扶搖安得三千里
應見真成百億軀
直欲棄家參學去
龕香火供齋盂

寄題安岳起官舍北廡

一軒高占鳳麟洲
要作人間汗漫遊
海國風煙自朝暮
洞天日月幾春秋
夢魂欲拂三花樹
活計聊隨二葉舟
待我丹成訪君去
聞風佳處卜菟裘

莫州道中

風林葉葉隨霜紅
天未晴容一鏡空
野曠微聞鳥鳥樂
草寒時見馬牛風
人生險阻艱難裏
世事悲歌感慙中
白髮孀親倚門處
夢魂千里付歸鴻

上施內翰

十年不見建安公
草木依然臭味同
賴有酒尊煩北海
可無香瓣禮南豐
天墀禮樂三十字
海國鷓鴣九萬風
正以高軒肯相過
免教書客感秋蓬

題吳彥高詩集後

片雲蹤迹任飄然
南北東西共一天
萬里山川悲故國
十年風雪老窮邊
名高驥北無全馬
詩到西江別是禪
頗憶米家書畫否
夢魂應逐過江舡

代王簿上梁孟容副公二首

妙年椽筆賦長楊
一日聲名滿四方
天上風流青瑣客
人間嘉慶綠衣郎
錦囊看讀金花誥
畫戟閒疑燕寢香
預恐政成趨急詔
海沂無計駐王祥
自笑微官馬骨高
十年霜鬢雪刁騷
長林豐葦未適性
火帽短靴安得豪
名宦真同一雞肋
簿書空束兩牛腰
故園清興湖山裏
歸去經營一把茅

清明前十日作

雨餘天氣動朝寒
寒食都來數日間
羯鼓催開小桃李
畫屏圍出好溪山
塵埃老我真堪笑
風物撩人欲破慳
梅雪已殘春過半
一尊何處與公閑

聞丘丈晚集慶壽作詩戲之

桃李欲開風雨多
花時猶得屢經過
緩聽一曲王連瑣
滿泛十分金卷荷

紅燭影紗聞喚馬翠羅承轡見凌波杜陵老矣孤春事奈此詩愁惱亂何
明日復會客普照繼呈此詩去及瓜不數日矣

室中呼起散花天來伴維摩到處禪百刻篆香消晝永一番花雨破春妍
雲山真欲追聲叟風腋何妨借玉川他日相思共明月舊游應說禁煙前

觀古作者梅詩戲成章

翠袖佳人脩竹傍風姿綽約破湖光靜中慣識形神影妙處誰知色味香
觀想有靈通水月孤音無侶伴冰霜故人愁絕今何許煙雨霏霏子半黃

秋郊馬上二首

故壠松楸暗空城草棘荒數峯橫鳥道一徑繞羊腸桑葉露仍沃稻花風
已香兒時十年夢懷舊一悲涼

海色樓臺市山容水墨圖風疎木楊柳煙瘦石菖蒲歲熟多同社村閑絕
詬租平生亦何事塵土卷吾廬

贈人

何必羅浮訪稚川相逢一笑共談玄蓬萊咫尺三萬里銅狄因循五百年
夢幻莫論身外事嘯歌聊得醉中天幾時丹竈同收拾去入雲山了撻緣

別後有懷元濟

聞說風流靖長官宦游寥落廢清閑酒狂吞盡喙三尺詩瘦聳成肩兩山
世事君方厭蝸角生涯我欲賦魚蠻脫身何日扁舟去相對一蓑煙雨閒

贈董丞秉國

迫窄十年冠蓋場誰憐王謝有諸郎俗緣不脫三生債豪氣都無萬丈長
遣興又憑詩作社避愁專欲酒為鄉黃塵投老逢青眼賴有知音未可忘

聞彦美服藥以詩問評

耳邊塵事且無喧聽我歸耕郭外村賤子自藏蝸殼舍故人誰並雀羅門
書窓共作三年計尊酒相逢一挾溫不信家山不堪隱仇池今在古銅盆

和人七夕韻

今古良宵此會同望窮雲物有無中間鉞合三山隔天上靈槎一水通
鵝鵲樓空紈扇月鴛鴦機冷筍羅風不須更乞蛛絲巧久矣人生百巧窮

海上

潮蹙三山島煙橫萬里沙蜃樓春作市鼉鼓暮催衙一曲水仙操片帆漁
父家安期定何處試問棗如瓜

次曹次仲韻因以自感

自笑區區學道難，未容香火訪名山。因循憂患餘生裏，收斂光芒窘步閒。
白社祝公今日始，丹丘容我幾時還。相從願結翻經會，共過壺中日月閑。

寒食阻雨招元功會話

滿城風雨數餘春，燕坐愴然亦可人。楊柳杏花相對晚，石泉槐火一時新。
愁邊興味渾宜酒，句裏機緣欲脫塵。且晚阿咸來過我，坐中軟語慰情親。

次韻諸園不暇游覽

故人家有小池，臺桃李成蹊。手自栽尊酒，幾時邀客去。園林無日不花開，
丹青一歸圖畫。紅紫紛紛費剪裁，勝槩須公與題品。杖藜何惜醉中來。

自解

投紱歸來歲月過，清閑殊勝吏分窠。人思狡兔藏三窟，我願白鷗同一波。
碁局何妨爛樵斧，印章終欲博漁蓑。人間萬事俱塵土，醉倒尊前奈我何。

陪諸友登三山亭二首

半濠清淺芟荷影，落日登臨未寂寥。山色逼秋渾作市，海聲迎暮欲吞潮。
沙頭白鳥疑相熟，木末青旗苦見招。不似常時對官府，可無閑話及漁樵。

霜林餘葉未全彫，極目西風對沈寥。萬里沙荒秋後草，三神山動晚來潮。
移尊正及兵厨近，結客何須驛騎招。老素撫床端可必，未甘隨分隱耕樵。

秋郊

秋水四五尺，暮山三兩峯。浮雲白鬣相，落日紫金容。蓑笠前村笛，樓臺古
寺鍾。殷勤小平遠，圖畫記渠儂。

次劉元直韻二首

秋來何事憶歸頻，正以家無妬婦津。未許桂枝招隱士，不妨桃葉贈行人。
夢魂歷歷千山遠，客宦悠悠五斗貧。犀箸鸞刀許何日，歸來舉案得紛綸。
半年歸夢別離間，只有音書鴉足還。羅帶翠橫秋掩冉，玉壺紅濕淚瀾班。
天明不作霧非霧，月破可憐山復山。淮擬春風對眉臉，一尊相對洗愁顏。

次韻夜雨

海山何處是蓬瀛，節物催人意自驚。客重衣冠逢冷舊，雨餘愁聽短長更。
故園頗覺歸期緩，若境難堪此段清。想得詩成正，蕭瑟竹窻燈火夜微明。

代人憶舊

緩步素絲障，微吟紫綺裘。醉便風側帽，歌愛月明樓。犀軸題春恨，銅荷滴

夜愁風流十年夢燈火漫揚州

梅

誰道江梅驛信遲碧琅玕裏見橫枝爲尋疎影暗香處獨立嫩寒清曉時
嚼蕊不妨浮白飲認桃休賦比紅詩平生東閣風流在何遜而今鬢欲絲

題雪浦入歸園

亂目寶花雨過眉斑竹節擎音迎畫鷁喜態動烏龍水鏡千江月風琴萬
壑松遙知永今夕情話得從容

歸來圖戲作

雲鬢春風一尺高笑携兒女候歸橈情知一首閑情賦合爲微官懶折腰

城南庵

故鄉歸思白雲邊餅鉢東來想浩然桑下以無三宿戀室中今許一燈傳
夢驚城郭風塵窟興寄湖山雪月舡老矣重游恐難得平生四海與彌天

書何維禎見贈詩後

塵埃握手衆人中草木從來臭味同春夏我雖迷出處交游君不異初終
赤黃晚歲徵奇夢清白平生繼古風嘆息蜀州人日作傷心不覺涕無從

寄題剡丘僧房

道人休去白雲邊老矣分明懶瓚然參學誰能知許事退休聊得息諸緣
忘形馬跡車塵外適意山光水影前想得松根甜寂寞壤殘雲衲半垂肩

虛春亭

碧琅玕裏小蘆廬想像幽人手植初不獨禪心破諸有還於法性識真如
古宿有翠竹真如之句應緣任笑風月底出世要觀霜雪餘他日升堂參玉版會須傍

出賞春疏

雨後

塵埃日日厭風霾一雨方容眼界開水底天光大圓鏡樹頭山色小飛來
馬牛涉地無相及鷗鷺知人已不猜更得扁舟待明月一盃容我醉雲壑

題歸去來圖

筆端奇處發天藏事遠懷人涕泗滂餘子風流空魏晉上人談笑自羲皇
折腰五斗幾錢直委國十年三徑荒安得一堂重寫照爲公桂酒瀉蕉黃

過關渡水圖

短車無復駕青牛散策方來對白鷗煙水從容許君獨斬須分我一舸秋

寄題孔德通東園

花木陰陰一畝宮平生高興與誰同尊壘北海無虛日鄉里東家有故風
先業固知衣鉢在大門何惜橐囊空襄陽耆舊今誰識尚喜風流見阿戎
次韻鄴元與贈于元直道舊

人物傷心萬馬空于公聲價愀然東教條不獨行千里壽策曾經奉一戎
事契百年知有自笑談三語記無同白頭賴有髯翁在解說當時喜怒公
倦游方嘆錦囊空此道誰知一夕東客裏簿書慚老子詩中旗鼓避元戎
叩門莫厭經過數促席聊容語笑同此樂祇憂兒輩覺不應品藻待渠公
彥美生朝

壯日里閭俠臂彎雙角弓繡鞵金匣匣貂袖紫蒙茸雲態自於蒼狗玉輝猶
白虹為君占壽骨詩句有清風

張萱戲嬰圖

犀顛玉頰寧馨子霧鬢雲鬟窈窕娘三十年前大門日憶觀群戲碧芳床

河橋

桃李香中八九家青旗高挂綠楊斜晚來風色渡頭急蒲地蕭蕭楊皂

日邑道中

屋角雞號夜向晨客床相對話悲辛流離僅脫嗇等伍老大空為濟上人
却掃欲安無事貴累人猶屬有錐貧故山鄰里今安否歸去同尋筍蕨春

題仲山枝巢

鏡中青鬢雪霜皤歲月從教落魄過物理不容人太過生涯休嘆我無多
百年竟似蠅鑽紙萬事終同鼠飲河抵恐徐公宿緣在東風時夢海棠窠

許內翰安仁

安仁字子靖河間樂壽人大定七年進士歷禮部員外郎出守澤州遷同
知河南府事以汾陽軍節度使致仕子古字道真父子俱名流也

望少室

名山都不見真形萬仞盤盤奩杳冥安得雲間騎白鶴下看三十六峯青
迭二道者歸汾州

介休山下兩閑人來訪汾陽舊使君明日却歸塵外去一雙白鶴上青雲

草木蟲魚詠二首

蠅鑽故紙竟不悟蛾撲明燈甘喪生大似盲人騎瞎馬不知平地有深坑

蓬在麻中應自直
蔦生松下亦能高
不關若輩工攀附
物理由來繫所遭

少室峰頭曉月沉
千家城郭淡陰陰
五更雞唱殘星滅
馬上看山過少林

蕭寺天教勝處安
峰巒騰擲水雲閑
客來總說遊山好
不道山僧却厭山

承旨党公
公諱懷英字世傑
宋太尉進之十一代孫
父純睦自馮翊來以從仕郎為

泰安軍錄事參軍卒
官妻子不能歸遂為奉符人
公之在孕也太夫人夢

道士吳筠來託宿及公生儀觀秀整如神
儂然少穎悟日授千餘言師毫

社劉嵩老濟南辛幼安其同舍生也
嘗試東府取解魁是後困於名場遂

不以世務嬰懷放浪山水間詩酒自娛
筆墨屢空宴如也夫人石氏徂徠先

生之後亦能安貧守分既久鄉豪傑有知公者
稍料理之大定十年擢進

士甲科調成陽軍事判官汝陰令入為史館編修
應奉翰林學士出為泰

定軍節度使為政寬簡不言而人化召為翰林學士
承旨致仕大安三年

九月年七十八終於家是夕有大星殞於所居之堂
眾驚視之而公已逝

矣諡曰文獻禮部閑閑公墓誌云公之文似歐公不為尖新奇險之語詩似陶謝奄有魏晉家籀入神李陽冰之後一人而已嘗謂唐人韓蔡不通字學八分自篆籀中來故公書上軌鍾蔡其下不論也小楷如虞褚亦當為中朝第一書法以魯公為正柳誠懸以下不論也古人名工藝而公獨兼之可謂全矣

穆陵道中二首

沂山一何高
群峯鬱孱孱
顏我行問貴老云
此小太山望秩有常祀
其神號東安
草荒穆妃墳
雨剝漢武壇
神仙果何在
可想不可攀
千年等晉俯仰悲人寰
東望蓬萊宮
咫尺滄波間
重山復峻嶺
溪路宛盤盤
流水滑無聲
暗瀉溪石間
岸草淒以碧
若鮮葩耀紅
丹高雲映朝日
流景青林端
我行屬朱夏
歛惕不得閑
山中有佳人
風生松桂寒

瓊花木后土像

皇媧化萬象
賦受無奇偏
胡為墮愛境
亦為尤物牽
煌煌靈祠花
玉葉

冠春妍婉如傾國，姝獨立江湖。邊顧惜，怨奪移含秀，梁宮煙青黃。竟自冠
始信擁腫全珍材，歸好事肌理。綴且堅，琢刻方寸餘，遺像規汾壻。願言稅
靈馭，要復安所，伶神游妙難詰。豈以太懸槐根，開夢國。橘實游某仙，靜想
寶龕中坐。納東南天况，有大者存，指顧超八埏。

君錫生子四月八日

左居錫前此名士

堂前種萱憂可忘，不如生兒喜殊常。嘔啞啼笑彩衣側，蒲堂和氣生嘉祥。
宴寢香凝佳夢兆，與佛同生佛親抱。我來初見出錦綉，肌肉昭人眉宇好。
世間兒子空紛紛，如君此兒真慰人。蘄山東盤出英秀，政與德門宜子孫。
天馬駒海鶴子，氣骨初成便超異。籟雲冲霄從此始。

立春

水結東溪凍未漪，風凌枯木怒猶威。不知春力來多少，便有青蠅負煖飛。

端午日照道中

幾年客舍逢端午，今日東行復海隅。三歲已無采老艾，一盃聊作辟愁符。

夏日道出天封寺

疊澗重岡掩復開，鳥啼人寂路縈回。微涼暫逐行雲過，細雨俄從遠樹來。

世事自嗟吾老矣，山僧那識興悠哉。婆娑十畝溪邊櫟，借汝清陰感不材。

龍池春興

三十餘年惜別心，重來獨與此登臨。佳人在暮雲，合游子不歸春草深。
曲檻凭欄花幕幕，扁舟繫岸柳陰陰。避人白鳥勿驚去，雙影飛翻明翠岑。

宿宣灣

清潁去無極，悠悠焚甸深。大家半臨水，村徑曲穿林。積雨猶行潦，荒煙易
夕陰。夜涼淮浦月，寂寞照邊心。

黃彌守畫吳江新霽圖

江雲卷宿雨，江風散晨煙。山光煙雨潤，欲滴影隨江。水空明間，脩蛾新粧。
翠連娟下拂塵鏡，窺明蠲漁舟來。何許觸破青茫茫，然中流水肥魚逆上。受
網應有松鱸鮮，借問張李膺。西風幾時還，漁郎理網喚不應。但見水碧江
涵天，如何塵埃中眼界。有許寬道人肯次陂，萬頃為寫此境清而妍。蒼崖
無塵樹影寒，直欲坐我苔磯邊。我家竹溪陰，小艇橫清漣。異時赤脚踏兩
舷，不應尚作披圖看。

雪中四首

詩人固多貧深居隱芳蓬一夕忽富貴獨臥瓊瑤宮破窻明虛開門
雪迷空蕭然視四壁還與嚮也同閉門然須坐愈覺生理窮天公巧相幻
要我齊窮通衝寒起沽酒一洗芥蒂曾

翻翻雪中鴉飛鳴不見遺粟雪深不可求遶屋啄寒玉顧我如鷓鴣多儲有
餘肉我亦生理拙凍臥僵雪屋日牛甑無煙飢吟攪空腹豈不知屠沽肥
甘隨取足幸待春雪消吾猶多杞菊

歲晏苦風雪曠野寒崢嶸濕新燒枯棘距刺相拏撐濃煙又伊鬱微焰方
晶熒津津膏乳漲中有蚯蚓鳴蓬蒿撥快炬倏作飛灰輕餘暖未及愜曠
淚先已盈幸有鄰家酒時澆肌粟平

歲晏雪盈尺農夫倍欣然不作祁寒怨應知有豐年笑我寄一室歸耕無
寸田無田吾不憂飲啄當問天我看多田翁租賦常逋懸佞頭負呵責顏
色慘可憐不如拾滯穗行歌兩無牽

雪

寶花天雨曉紛紛佛界粧嚴盡白銀待臈風雲初接勢犯寒糟麴若為神
園中芳草誰能賦江上梅花獨自春半臂騎驢得佳句九原誰喚灞陵人

蟬

槁壤陰潛罷轉丸飄飄便作飲風仙幽藜何處拳枯蛻別樹還來續斷絃
小院日長清夢覺空庭人靜綠陰圓無情物化誰能料觸撥羈懷一慨然

漁村詩話圖

江村清境皆畫本畫裏更傳詩語工漁父自醒還自醉不知身在畫圖中
曉雲次子端韻

灤溪經雨浪花曉碧翻光漾曉霞川上風煙無定態盡供新意與詩家
送高智叔歸濟南

已作西溪約還爲汶上行漂流知分際會合見平生旅枕勞歸夢家山入
去程空齋桃李月寂寞照清明

日照道中

路轉清溪樹蔚然解鞍坐愒年陰圓避人鷗鳥驚飛盡時有游魚弄柳綿
夜發蔡口

落霞墮地秋水浮光照舡明孤程發晚泊倦楫搖天星藹藹野煙合脩脩水
風生遠浦浩渺溼微波澹彭觥畸鳥有時起幽蟲亦宵征懷役嘆獨萬感

物傷旅情夜久月窺席恍慨心未平

西湖晚菊

重湖匯城曲佳菊被水涯高寒逼素秋無人自芳菲鮮飈散幽馥晴露隨
餘滋蹊荒綠苔合采采歎後時古瓶貯清泚芳樽瀆塵霏遠懷淵明賢獨
往誰與期徘徊東籬月歲晏有餘悲

西湖芙蓉

林飈振危柯野露委荒蔓孤芳為誰妍一笑聊自獻明粧炫朝麗醉態羞
晚困脉脉懷春情悄悄驚秋怨豈無桃李媒不嫁惜嬋媛悠悠清霜莫共
抱蘭菊恨

浪溪別吳安雅

浪音郎

浪水清且白頻年照行役褰裳涉微波去無極悠悠溪上山送我往
復還與君臨水別幽恨寄山間

奉使行高郵道中二首

野雪來無際風檣岸轉迷潮吞淮澤小雲抱楚天低蹀躞舡鳴浪聯翩路
牽泥林鳥亦驚起夜半傍人啼

細雪吹仍急凝雲凍未開牽閑時掠水帆飽不依桅岸引枯蒲去天將遠
樹來行舟避龍節處處隱漁隈

孤鴈集句

萬里銜蘆空寒空半有無蹤分沙岸靜聲入塞垣孤影早衝關月飛高望
海隅不知天外侶何處下平蕪

黃菊集句

九月欲將盡鮮鮮金作堆遶籬殘豔密擁鼻細香來五色中偏貴群花落
始開可憐陶靖節共此一傾盃

金山

我從渡淮涉高郵雪風連日吹行舟維揚地西闔夜色星月隱見邊城樓
晴光破曉射瓜步照耀玉宇開瓊瀟馮夷收威浪安帖容我一到金山頭
金山勝槩冠吳楚萬礎礧峙江中流平生夢寐不到處乃以王事從私游
鍾山雨花落眼底海門鶴崖波際浮川開林闔望不極但見遠色明輕鷗
風煙渺漭異吾土行役有程難久留一杯未舉帆影轉已看浙樹稍旗旒

趙飛燕寫真

昭陽宮裏千蛾眉中有一人輕欲飛姊妹寅緣特新寵六宮鉛粉無光輝
春回太液花如繡花底輕風扶翠袖君恩不許作飛仙雙積官裙留淺皺
君王貪宴溫柔鄉木門不省搖倉琅避風臺成略令古空使遺妬驚寬裳
當年傾城復傾國誰寫餘妍入丹碧背燈擁髻一潸然不應尚有樊通德

村齋遣事

人生天地真濶廬外物擾擾吾何須與其羈馬齊鞍駒豈敢隨駘駘
不知掉尾忘江湖响响瀉沫胡為乎誰念披卷矜於墟磨丹點黝圍樵蕪
申鞭示箠嚴範模矍矍如狙翁調眾狙爾雅細碎編蟲魚辭嚴義密字見踈
烘齋睥睨音語靈諷誦誰敢忘須臾萬中有一差鎚錘啞啞坐使為呻呼
咄哉倡言口嘯喘等為兒戲夫何殊霜風入戶寒割膚生新槎芽烘燎爐
漫漫濕煙迷四隅白鶴日見黔如烏此閒縱樂能何如其誰相與歌歸興
技籠嗟我自擎拘垂翅更待窮年狙

和張德遠伐松之什

社櫟賦散材乃遭匠石嗤高梧中宮徵不能保孫枝全傷隨用否理固不
可移堂堂十八公端勁出天姿蟠根借餘潤茂鬱清溪湄雨師夜失律偶

此遺神螭煙鱗漬寒雨霧矚明朝曦騰拏困愈壯偃蹇僵不疲未能走沈
淞耶與草木嬉長風動頭角吟嘯舒鬱伊塵埃詎能久雷電會有時昨宵
卧溪月老影閑橫歌天明竟不舉俯仰益怪奇拳拳攀半崖渴喙吞清
漪希珍價不售復病樵柯危材高輒爾耳出彼造化兒樛枝飽霜雪遽與
蓬蒿衰孤標挽萬牛未為廊廟知窈窕桃李春奈爾千歲期枯桑豈自賈
取敗以老龜茲非舉琴下材梁棟終見施長短歸自然勿為鳧鶴悲

題樟猿圖

雲山空岡阜重榭葉半濕新霜紅溪猿得意適閑攀靜挂晴光中孤
麕何從來寂歷野竹風舉頭相視不相測昂藏却立如癡童鯤鵬負雲天
斤鷄處萬蓬萬生所樂自不同怒然胡為之二虫

和濟倅劉公傷秋

川流為猪鉅野闊水色天容兩開豁山隨水遠勢奔騫駿馬西來銜轡脫
山前雲木散不收坐看木末來歸舟秋容澄明納萬象畫本寂默橫雙眸
謫仙曾來釣煙磧想見夕陽寒影隻騎鯨去作汗漫遊只有荒臺壓澄碧
臺邊昨夜西風來倦游羈宦心悠悠豈無瓊艘百拖載春色是中可以忘

形骸官居得秋况不惡高吟何遽悲搖落君不見中郎詩翰憶湖山秋色
正滿連雲閣

題春雲出谷圖

春雲乍出山有無春雲已去春山孤山光空濛不可寫正要雲氣相縈紆
山吞雲吐變明晦半與崑谷生朝脯輕林蕭蕭暗溪樹餘影漠漠開樵居
舟人艤掉並沙尾坐看縹緲搖空虛巧分天趣出畫外韻遠不與丹青俱
今人重古不知畫但愛屋漏煙煤汗惜哉東坡不及見此本詩中獨有疊
嶂煙江圖輕林蕭蕭一作輕陰霏又

新泰縣環翠亭

官居坐官府不見青山青閑來亭上看青山遠重城左見青山縱右見青山
橫具敦浮虛碧崢嶸群峰連隨相繚縈懸庭無事苦薛生獨携玳瑁寫溪
聲琴聲鏘鏘激虛亭罷琴舉酒招山英山英莫相嘲我雖朝市如林垆客
有山中來聞說令尹清山英異時合有情周遮不放公馬行

喜雨

山雲駛如驅山雨沛如傾幽人夢初醒卧聽簷溜聲雷霆怒相搏似與陰陽

爭蛟龍久何蟠始此幽壑驚餘花曉猶落竟日方破晴明朝東臯望照眼
生意明焦枯被沾濡相與迴春榮忻然野桃李新綠棲殘英漸漸麥壠翠
溜溜溪流清蛙鳥亦解喜飛沉玄喧鳴萬物皆得時棲遲感吾生直應挂
儒冠便逐春農耕

睡覺門外月色如畫霜風過寥然成聲作一絕

老木經霜衆竅空月明深夜響秋風始知天籟非人籟吹萬由來果不同

題張維中華山圖

玃珠散遺甌我姓出馮翊空聞華山名未始見顏色三峯擢觚稜經眼但
石刻那知玉井蓮香落清渭北巔崖劃變轉勢走關輔窄豈無愛山人不
解傳粉墨多才曲江裔公暇日招揖歸裝貯新圖尚帶煙霧濕明窓一傳
玩恍若到鄉國我生隨宦遊久作東南客有田太山下繞屋皆泉石懷恩
戀官廩老大歸未得况復秦川遙便恐此生隔峻嶒蒼煙面只許畫中識
詩成持送君想像三嘆息

題馬賁畫鷓鴣圖

雙眠雙浴水平溪共看秋光卧兩堤誰信瀟湘有孤鴈冷沙寒草不成棲

書因叔北軒壁

生涯自分老林泉欲止還行信有緣未許綸竿歸醉手且教煙水入吟鞭
雲山聊欲追敖曼風腋何妨借玉川獨卧北軒元不寐竹間寒雨夜琅然
和元卿郊行

馬駛車驅起路塵傍山陰驛作春溫東風欲放萌芽動已有疲牛噉燒痕
世華將有登州之行作是詩以送之

少陵兄弟蓋三人坡老相知只卯君五畝有期將共隱一樽何意便輕分
秋鴻渺渺看孤往夜雨瀟瀟忍獨聞侘日書來問無恙我應深釣竹溪雲
維密道中懷古

十二全齊勢興亡俯仰中地傾離水北山斷穆陵東破塚餘殘甃荒蹊足
轉蓬燕齊舊舊懸隔不接馬牛風

過棠梨溝

地僻人煙少山深澗谷重披陔下長坂迤麗失諸峯問俗知懷土聽歌識
相春幾家茆屋外田畝自衡從

响山驛亭阻雨

東海地名蒼梧舊說云北島白蒼梧浮來又州有景疎樓

脫葉蕭蕭山木稠連樞飄汎海逢秋浪回响島馮夷舞雲暗蒼梧帝子愁
欲往未行淹僕馬乍來還去羨鷓鴣鷺景疎樓下無邊水暫濯塵纓可自由

平石曼卿曼卿嘗通守响山遣人以泥封桃李核彈之崑石中其
後花開滿山又嘗携妓飲山之石室閒鳴絃為冰車鐵馬聲

城頭山色翠玲瓏尚憶清狂四飲翁鐵馬冰車斷遺響桃花石室自春風
生平詩價千鈞重身後仙遊夢空相見蓬萊水清淺芙蓉城闕五雲中

响山道中三首

二年三到水雲鄉瘦馬凌兢怯路長野雪未乾春未雨落鷲飛起暗塵黃
吳歌楚語海山間織葦苦菰便自安已作稻塍猶未種小溝流溢水車乾
海路東南万壑傾青山孤起壓重城驛亭春半餘寒雪墻用無人草自生

應制粉紅雙頭牡丹二首

卿雲分瑞兩嫣然鏡裏粧成穀雨天曉日倚欄闌妬艷春風拾翠兩駢肩
水南水北向曾見桃葉桃根本自仙夢想沉香亭北檻略修花譜記芳妍
春意應嫌芍藥遲一枝分秀伴雙鞋並肩翠袖初酣酒對鏡紅粧欲鬪奇
上苑風煙工獻巧中天雨露本無私更看散作人間瑞万里黃雲麥兩歧

次文孺韻

病眼花生紙羈懷棘透墻挑燈磨溜急到枕漏聲長響徹雞啼曙寒迎鴈
背霜淒涼三逕菊無夢到壺觴好問按此詩是言院中唱和
故有花生紙棘連牆之句

白莊道中

暖風溼日弄春晴渾似龍眠畫裏行沙路半隨堤尾曲幾家桃李鶻鷓鳴

花品

翠裙襞積破黃薇新棣丁香結玉蕤最愛東風木芍藥淡紅深紫兩相宜

上皇書扇後

便面團圓字點鴉天風吹墮委塵沙燕泥庭草爭土拙何似當年陌上花

送崔深道東歸

君從鬱葱幾時來鬱葱山色空崔嵬白雲已自動歸意蟪蛄蟬况可懷
薰風濁酒非莓苔那知空齋響蚊雷酒酣臨風解相憶喚取玉笛傳清哀

和道彦至

山光凝黛水浮空地僻偏宜杖夜慵尚喜年登更冬暖敢論人厄與天窮
君方有志三重浪我已無心萬里風擬葺小園師老圃綠畦春溜引連筒

楚清之畫樂天小娃撐小艇偷採白蓮回不解藏蹤跡浮萍一
道開詩因題其後

樂天歸卧湖山邊閑買池塘娛暮年小蠻已老樊素去心地玲瓏如白蓮
室中誰遣散花天故點禪衣香破禪鴛鴦為報窺花處題詩要戲小嬋娟
紅粧秋水照明蠟清之粉本清且妍道人無心被花惱對畫作詩真適然
君不見元亮投名蓮社裏不妨更賦閑情篇

寄賈因叔

鶉居穀食兩迷陽四十猶貪桂子香石汶為君拋水月憲陵回首見冰霜
虫魚細碎成書癖荆棘崢嶸失醉鄉舉白北軒真一夢竹間猶記雨浪浪

題大理評事王元老雙橘堂

朱橘復朱橘傳分包貢實煌煌中堂榜奇畫照公堂前萱草碧公今致養
豐祿食更取蠻珍奉顏色舉觴一笑三千秋坐看諸孫索梨栗

宿舊縣四更而歸道中撫所見作行路難

三星排空山月明思歸客子夜半行單衣短褐風淒清響踏黃葉棲禽驚
忽忽曉轉沙岸側枯蓼寒蘆鳴索率山月欲隨山煙黑前途無人脚無力

行路難堪嘆息

途中 壬辰正月

平明發郊墟獨步踰蹊蹊引領發前程日出煙未滅林迴鳥始喧
短牛已嚙春陽氣未壯道左尚殘雪長風拂歸袂凜欲變冬冽指凍僵不拳膠
疑仍欲折而我竟何事犯此寒正切脩途去未幾行意先已芥安得兩翼
生高飛度林樾

徐茂宗蝸舍

萬生擾擾安其安鷺鴒不羨鵬飛搏端知扶搖上九萬無異跳躍蓬蒿間
是身江海一漂粟身外紛然皆外物一屢儻可容所寓何用渠渠作高屋
知君從道由心成昔焉忘俗今忘形物來弭角不知競觸蠻血戰良虛名
我夢敲門訪君舍舍小不容相對話覺來驚見壁間蝸俯仰人間真物化

壬辰二月六日夜夢作一絕句其詞曰矯冗連天花春風動光
華人眠不知眠我佩絳紅霞夢中自以爲奇絕覺而思之不能

自曉故作是詩以紀之

夢中作詩真何詩夢中自謂清且奇覺來反覆深諷味字偏句異誠難知

豈非夢語本真語無乃造物爲予嬉君不見莊周古達士栩栩尚作蝴蝶
飛我生開眼尚如此况在合眼夫何疑

黃華王先生庭筠

庭筠字子端熊岳人父遵古字仲元正隆五年進士仕爲翰林直學士才
行兼備道陵所謂昔人君子者也子端早有重名大定十六年甲科文
采風流照映一時歷州縣用薦者供奉翰林承安中爲言事者所累謫鄭
州幕官未幾復應奉稍遷修撰空官年四十七子端詩文有師法高出時
輩之右字畫學米元章其得意處頗能似之墨竹殆天機所到文湖州已
下不論也平生愛天平黃華山水居相下十年自號黃華山主有集傳子
世其歿也道陵有詩悼之其引云王遵古朕之故人也乃子庭筠復以
才選直禁林者首尾廿年今茲云云王堂東觀中無復斯人矣其家以遺
文來上尋繹之以良用愴然詩不錄屏山故人外傳云子端出家子風流
蘊藉冠冕一時爲人眉目如畫美談笑俯仰可觀外視若簡貴人初不敢
與接一見之後和氣津津溢於衡宇間又其折節下士如恐不及苟有可
取極口稱道之故人人恨相見之晚也子萬慶字禧伯詩筆字畫俱有父

風仕爲行尚書省左右司郎中猶子明伯幼歲學書書家即稱賞之侷儻
無機斨力絕人曾有詩云釣鰲公子鐵心肯與在三山碧海東千尺雲帆
已高揭不知何日得秋風死於鄧州年未四十也

楊秘監下槽馬圖

龍眠悔畫馬政恐墮馬趣我今破是說試下第一句道人三昧手游戲萬
象且萬象初莫逃畢竟無所住譬如大圓鏡照物隨其遇少焉物四散影
果在何處楊侯具此眼透脫向上路萬馬落人間蓋證龍眠誤

書西齋壁

世事雲千變浮生夢一場偶然携杖來此據胡床有雨夜更靜無風花
自香出門多道路何處覓牛羊

八月十五日過泥河見鴈

家在孤雲落照間行人已上鴈門關憑君爲報平安信才是雲中弟一山

示趙彥和

四柳危亭坐晚陰殷勤雞黍故人心兒孫蒲眼田園樂花木成陰年歲深
十畝蒼煙秋放鶴一簾涼月夜橫琴家山活計良如此歸興秋風已不禁

大安寺試院中寒食

東風日日漲黃沙供佛床頭始見花寒食清明好時節年年憔悴獨離家

獄中賦萱

沙麓百戰場寫函不敏樹况復幽園中萬古結愁霧寸根不擇地於此生
意具婆娑綠雲杪金鳳掣未去晚雨沾濡之向我汝如訴忘憂定漫說相
對清淚雨柳州戲題塔前對藥東坡長春如稚女及賦王伯鵬所藏趙昌畫梅花黃葵芙蓉山
茶四詩先承百廿條西朔芙蓉晚菊玉門關手端獄中賦萱凡九首予請閉閣公共
作一軸寫因題其後云柳州怨之愈深其詞愈緩得古詩之正其清新婉麗六朝詩人少有及者
東坡愛而學之極形似之工具怨則不能自揜也堂承言出于三家辭不足而意有餘王內翰無意
追配古人而偶與之合遂爲集冊第一大都概出于雅坡以下皆有騷人之余韻所謂生不並世俱
名家者也

獄中見燕

笑我迂踈觸禍機嗟君底事入圍扉落花吹濕東風雨何處茅簷不可飛

借樂亭

日暮西風吹竹枝天寒杖屨獨來時門前流水清如鏡照我星星兩鬢絲

野堂

綠李黃梅繞屋踈秋眠不着鳥相呼雨聲偏向竹間好山色漸從煙際無
雲自知歸鳥自還一堂足了一生閑門前剥啄定佳客簷外尋顏皆好山

韓陵道中

石頭聳确兩坡間不記秋來幾往還日暮蹇驢鞭不動天教子細數前山

絕句

竹影和詩瘦梅花入夢香可怜今夜月不肯下西廂

孫氏午溝橋亭

閑來橋北行偶過橋南去寂寞獨歸時沙鷗晚無數

送士選山東外臺判官

秋天寥廓使星明光動山東七十七城玉署文章厭閑冷繡衣風采試澄清
人隨白鴈霜前到詩繞青山馬上成才力如君君未老只愁無地避功名

張禮部溪山真樂圖

悠悠春天雲想見平時閑朝遊溪橋畔暮宿山堂間澹然不知秋亦復忘所
權出山初無心既出還思山人間待霖雨欲歸良獨難山堂悵何許蕭蕭
松桂寒

內鄉浙江張浮休窪尊為二兄賦

崑花覆我酒酒面照幽妍風如惜花影不肯生微漣空山悄無人花枝自

留連懷人成獨醉日暮山蒼然

超化寺

隔竹微聞鍾磬音墻頭脩綠冷陰陰山迎初日花枝靚寺裏清潭塔影深
吾道蕭條三已仕此行衰病獨登臨簡書催得匆匆去暗記風煙擬夢尋

舍利塔

蒼山亭亭如覆盎佛塔東西屹相向林頭朝日射重簷黃金丹砂擘生光
中華此塔弟十五圖記所傳知不妄智惠薰成舍利羅夜半奇芒時一枚
想見當時阿育王麾叱神工鞭鬼匠雲車瘴海挽炎沙沙底黃腸三萬丈
石排方面茂石段鐵錮瘦中腰鼓樣功夫精密業長久位置尊嚴氣高張
地皮浮水膚寸許旱溢與之俱下上崧山歸山夏秋雨潦從衡歲相盪
天龍圍護夜叉守終劫不敢生波浪塔前樹秀老不死樹下水流多益壯
再拜初嘗一勺甘洗我三生煩惱障

夏日

西窗近事香如夢北客窮愁日抵年花影未斜猫睡外槐枝猶顫鵲飛邊

中秋

虛空流玉洗世界納冰壺明月幾時有清光何處無人心但秋物天下近
庭梧好在黃華寺山空夜鶴孤

被責南歸至中山 丙申春

短轅長路兀呻吟行李遲遲日益南親老家貧官職重恩多青薄淚痕深
向人柳色渾相識着雨花枝半不禁回首觚棱雲氣隔六年侍從小臣心

送子貞兄歸遼陽

青峭江邊玉數峯煙梳雨沐爲誰容到時爲向山靈道歸意如君一倍濃

來蓮曲

南北湖亭競采蓮吳娃嬌小得人憐臨行折得新荷葉却障斜陽入畫舫

秋郊

瘦馬踏晴沙微風度隴斜西風八九月踈樹兩三家寒草留歸犢夕陽送
去鴉隣村有新酒籬畔着黃花

憶澗川

極目江湖雨連陰甲子秋青燈十年夢白髮一扁舟

夏日

檀欒倒影硯波清注了黃庭譜鶴銘且喜過門無襪襪却憐泥壁有窗聲
劉賓客詩寧字平聲呼

河陰道中二首

梨葉成陰木子青榴花相映可憐生林深不見人家住道上唯聞打麥聲
微行入麥去斜斜才過深林又幾家一色生紅三十里際山多少石榴花

禮部閑閑趙公秉文

秉文字周臣滏陽人閑閑其自號也幼穎悟讀書若夙習大定二十五年
進士應奉翰林文字上書論宰相胥持國當罷宗室守貞可大用又言獄
訟征伐國之大政自古未有君以爲可大臣以爲不可而可行者坐譏訕
免官未幾起爲同知尙嵐軍州事轉北京路轉運司度支判官承安五年
冬十月陰晦連日宰相萬公對上顧謂萬公曰卿昨言天日晦冥亦猶
人君用人邪正不分者極有理趙秉文曩以言事降授聞其人有才藻工
書翰又且敢言朕非棄不用以比邊軍興姑試之耳泰和二年改戶部主事
翰林修撰出爲寧邊州刺史二年改平定州治化清靜所去人思之貞祐
初中國仍歲被兵公建言時事可行者三一遷都二導河三封建朝廷略

施行之四年除翰林侍講學士明年轉侍讀與定中拜禮部尚書兼侍讀
同修國史知集賢院開興正月京師戒嚴時公已老日以時事為憂雖食
息頃不能忘每聞一事可使民一士可擢用大則拜章小則為當路者言殷
勤鄭重不能自己竟用是得疾薨年七十四自幼至老未嘗一日廢書不
觀著易叢說十卷中庸說一卷揚子發微一卷太玄箋贊六卷文中子類
說一卷南華略釋一卷列子補注一卷刪集論語孟子解各十卷資暇錄
一十五卷所著文章號溢水集者前後三十卷大槩公之文出於義理之學
故長於辨析極所欲言而止不以繩墨自拘七言長詩筆勢縱放不拘一
律律詩壯麗小詩精絕多以近體為之至五言大詩則沉鬱頓挫學阮嗣
宗真淳簡澹學陶淵明以它文較之或不近也字畫則有魏晉以來風
調而草書尤警絕殆天機所到非學能至宣徽卿使河湟夏人多問公
及王子端內翰起居狀朝廷因以公報聘其為四方所重如此論者謂公
至誠樂易與人交不立崖岸主盟吾道將三十年未嘗以大名自居仕五
朝官六卿自奉養如寒士不知富貴為何物蓋學道所得云

雜擬三首

朱明變氣候大火向西流六龍整征轡倏忽夏已秋閭闔來悲風霜稜被
九州豈不念時節歲律聿其周精衛填溟海木石安所投獨携羨門子高
步登崑丘千秋長不老永謝區中囚
猗猗南山竹並生凡卉藪歲晏多霜雪見別蕭艾中我欲食鷓鴣十歲不
一逢留之和律呂截作嶮谷筒一變為清商日暮來悲風清泉澗石根上
有白雲封虛心抱靜節知音為誰容不如歸去來一竿釣清澧
白日淪西汜滄海無回波四時更代謝奈此遲暮何我欲制頽光惜無魯
陽戈憑高望八荒眇眇迷山河驚風振江海山林無靜柯獸狂走四顧曠
野迷結羅西登廣武山北顧望大河蓬蒿蔽極目人少虎狼多喟然發長
嘆拊劍徒悲歌

花下墓

山前樹今人看花昔人墓昔人栽花待邀賓花開墓上人何處今年花盡
復明年今人復為後人憐酒澆墓上喫不得留與飢鴉作寒食

恸王右丞獨步幽篁裏

獨坐幽林下談玄復觀易西日隱半峰返照林間石石上多古苔山花間

紅碧花落人不知山空水流出

和淵明擬古五首

小智多自私大方乃無隅一毫納萬象萬象非卷舒日月爲我牖天地爲我廬曲士窘拘囚一身無容君我夢登日觀青天入平蕪俯視但一氣二豪彼何如

昔日穆天子侈心窮八荒崑崙入馬蹄濛濛視明堂王母爲之謠白雲何茫茫憑高俯九州塊如螻蟻場歸來越河關萬家壓松印遂令學仙者聞風爲激昂漢武千秋露淮南公方至今瑤池宴空爲後代傷

吾道無緇磷萬古常如茲奈何中智下謂彼不知時與世頗殊好譬彼滯與滯我欲質所從登高望九疑路逢古漁父長歌滄浪辭出門異所見退坐還自思當世固殊古古人不吾欺翩翩出林鳥日暮將何之倚簷送歸盡聊欲弦吾詩

西北有佳人樓上拊雲和一鼓別鶴操再弄求凰歌絃聲幾欲絕哀響何

其多昔爲掌中珠今爲路旁花壯年不再得華落將如何張衡詠思玄屈平賦遠遊高情薄雲天意氣隘九州朝攀扶桑枝夕飲弱

水流翻然不忍去無女哀高丘嚴霜下百草歲律聿其周蕭闌共憔悴已矣吾何求

中秋

天風吹河漢明月懸清光清光不可掇流影入杯觴吸此風露魄洗我冰炭腸向來功名心一笑雪沃湯人生幾中秋彈指三萬場胡爲置執惱不使心清涼此心如秋月虛明洞八方此身萬化中太山一毫芒尚無物與我何者爲彭殤推琴黃葉落矯首白雲翔解衣一盤礴清境隨渺茫

送雷希頌赴涇州錄事李君美治中公廨南樓坐中作

嚴霜枯百草搖蕩鴻鵠心翩翩萬里翼隨雲落西南涇水東流不到燕迭君落日孤雲邊聲名一日天下白還作南樓坐中客西州自古多豪英作者凜凜氣猶生太尉清風萬萬古不勞折筮管此虜男兒生不功名死無益莫言簿領卑凡職君不見當時鬚張一尉耳至今雙廟令人起

魯直烏絲襪黃庭

太清虛皇玉景經琅函瓊笈秘始清囊以雲錦金鈿局四神守衛訶百靈中夜一氣存黃庭玄霜瓊膏清子形方瞳綠髮魂魄寧上壽千秋下百齡

天書夜降勅六丁控駕三素乘風冷鳳笙龍箆超冥冥揚旌抗旆燿飛星
八滅吐毒驅雷霆擲火萬里流金鈴仙人拂石劫不聽笑視人世風中螢
世間醉夢紛臙腥三尸調汝丹田蟬有如尾閭泄滄溟一朝神離鳥飛跼
涪翁書法出蘭亭名書此經實自銘開卷恍然如酒醒養生新發庖丁劘

同粹中師賦梅

寒梅雪中春高節自一奇人間無此花風月恐未宜不爲愛冷豔不爲惜
幽姿愛此骨中香花餘嗅空枝影斜清淺處香度黃昏時可使飢無食不
可無吾詩

游華山寄元裕之

我從秦川來遍歷終南游冀行華陰道清快明雙眸東風一夜橫作惡塵
埃咫尺迷崑幽山神戲人亦障相一盃未盡陰霾收但見兩崖巨壁挿劍
戟流泉夾道鳴琳瑯希夷石室綠蘿合金山鶴駕空悠悠石門劃斷一峯出
婆娑石上爲邊留上方可望不可到崖傾路絕令人愁十盤九折羊角上
青柯平上得少休三峰壁立五千仞其下無址傍無儔巨靈仙掌在霄漢
銀河飛下青雲頭或云奇勝在高頂脚力未易供冥搜蒼龍嶺瘦筇躡滑

嵌空石磴誰雕鏤每冷風自四山而下不見底惟聞松聲萬壑寒颼颼捫
參歷井到絕頂下視塵世區中囚酒酣蒼茫瞰無際塊視五岳芥九州南
望漢中山碧玉簪亂抽况復秦宮與漢闕飄然聚散風中漚上有明星玉
女之洞天二十八宿環且周又有千歲之岳蓮花開十丈藕如舟五鬢不朽
之長松流膏入地盤蛟虬采根食實可羽化方瞳綠髮三千秋時聞笙簫
明月夜芝輶羽蓋來瀛洲乾坤不老青山色日月萬古無停輶君且爲我
挽回六龍轡我亦爲君倒却黃河流終期汗漫遊八極乘風更覓元丹丘

和淵明飲酒九首

翩翩萬里鶴日暮將何之昏鴉擇所安笑汝不知時孔席不暇暖此理吾
不疑尚愧淵明翁濁酒時一持

貧賤豈不苦仰慕冥鴻飛富貴豈不樂乃有善矣悲苦樂各異趣嗜好從
所依我欲作九原獨與淵明歸挂冠不待年况此齒髮衰遙醉一盃酒毋
令寸心違

秋菊有至性霜松無俗姿采采黃金花笑拊蒼煙枝偶有盃中物成此一
段奇白雲南山來出岫復何爲醉臥東籬下聊脫人間羈

今日好天色清晨雲開東風如故人適我平生懷坐見南來燕孤雌與
雄來暮歸主人堂梁閒有雙栖巢傾覆其子又補新巢泥翩翩隨陽鴈幽
貞苦難諧江湖偶相失咫尺雲路迷哀哀霜雪際獨向胡天回

鷺鳥閉籠中舉翮觸四隅騏驎駕藍車踟蹰困中途雖然遭識拔未免為
人驅傍觀信羨矣自愧良有餘不如兩無累還我田園居

千載淵明翁誰謂不知道謾賦責子詩調戲以娛老杜陵蓋自况亦豈恨
枯槁壺觴清濁共適意無醜好歸來五柳宅守我不貪寶長嘯天地間獨
立萬物表

幽居澹無事雅志了玄經眼花憎文字悠悠竟無成中夜起不寐披衣守
寒更梅竹散清影素月流廣庭孤鶴悶逸響切切寒虫鳴拊卷長嘆息慨
慷側中情

漢儒傳注學未為世所得秦火少完書豈免焉感後儒補罅漏聖道少
開塞俗士喜持戈又一秦相國且共歡一觴多言不如默

淵明非嗜酒愛此酒中真謂言忘憂物中有太古淳回首帝朝中萬事牛
毛新去年持使節悠悠過西秦官闕隨飛烟衣冠化埃塵當時憑軾士懷

慨嘆徒勤所以山林客樂與魚鳥親西登大華頂曠望長河津寄謝三峯
雲聊欲瀝吾巾哲言將從此去笑謝當塗人

和韋蘓州秋齋獨宿

冷暈侵殘燭雨聲在深竹驚鳥時一鳴寒枝不成宿

擬兵衛森畫戟

冠帶事朝謁清坐彈鳴琴以彼塵外趣遠我遺世心岸憤送歸鳥隱几見
遙岑聊同靜者樂豈必居山林

寄王學士子端

寄語雪溪王處士年來多病復何如浮雲世態紛紛變秋草人情日日踈
李白一杯人影月鄭虔三絕畫詩書情知不得文章力乞與黃華作隱居

上清宮 三首

霜葉蕭蕭覆井欄朝元閣上玉華寒千年遼鶴歸華表萬里宮車泣露盤
日上霧塵迷碧瓦夜深月露洗荒壇斷碑膾炙人何在吏部而今不姓韓
暇日登臨近吹臺夷門城下訪寒梅鬢頭他日幾人在尊酒而今一笑開
秋潦滲餘村逕出夕春歇處野禽來醉歸扶路人爭看知是詩仙閱苑回

寄陳正叔

渺渺西風去翼輕長林風葉動秋聲嵩丘竟秀容多可河洛交流已獨清
廣武山川迷故壘成阜草木闕空城憑高一掬英雄淚寄與窮途阮步兵

寄裕之

久雨新晴散痺頰一軒涼思坐中間樹頭風寫無窮水天末雲移不定山
宦味漸思生處樂人生難得老來閑紫芝眉宇何時見誰與嵩山共往還

古瓶蟾梅

石冷銅腥苦未清瓦壺溫水照輕明土花暈碧龍紋澁燭淚痕踈鴈字橫
未許功名歸鼎鼐且收風月入瓶罌嬌黃喚醒朝陽夢漢苑荒涼草棘生

暮春得寒字

九日聊偷一日閑三分春事二分閑鄉關夢裏入空老風雨夜來花又殘
乍坵泥封糕酒熟未開火禁粥錫寒却思投劾歸田去楊柳陰中把釣竿

靈感寺

徒河岸北白蓮東法鼓驚飛碣石鴻塔上風煙高鳥路山頭雲雨化人宮
松林礙日蜂房冷石砌頽沙蟻穴空欲盡休公揮麈樂鬚絲着對落花風

五月牡丹應制

好事天工養露芽陽和趁及六龍車夫香護日迎朱輦國色留春待翠華
穀雨曾霑青帝澤薰風又卷赤城霞金紫薦瑞休嗟晚猶是人間第一花

代州

金波曾醉鴈門州端有人間六月秋萬古河山雄朔部四時風月入南樓
漢家戰伐雲千里唐季英雄土一丘繫馬朱欄回首煙波誰在釣魚舟

開元寺

歲久開元寺黃花落石龍瓶深添碧甃壁篆金容窻影年年塔禽棲夜
夜鍾平生睡秋雨竹閣味偏濃

謁北嶽

四大神儀一群山太茂尊莫方荒奠宅視禮配天孫西送虞淵暮東瞻碣
石瞰宝符臨代郡鐵甕扼井門控趙襟形壯包燕氣象渾九河深禹跡萬

里叫虞魂在昔登封始前驅羽衛繁千官駢部曲萬騎隘山樊上地恒陽
曲移祠泰始元晉穆初荒碑元歲月飛石確乾坤帝秩加黃屋宮居象紫垣

雲楣朽芝瑞雨砌裂槐根天業恢弘大山靈翊衛屯巫閭歸帝製長白發

金源九廟龍盤接三邦地勢吞雲煙浮近甸日月遶中原欵謁天香重封
題御署存銀鏐諸產富雷雨萬靈奔神聽羞回德天聰納正言負時身九
死去國淚雙痕日近趨天闕生還託聖恩許身徒稷契無術補羲軒帝籙
長乘洞仙巖張果村卜居如可近重整北山轅

陪李舜咨登懷忠寺閣

日月躔雙拱風煙納寸眸雲山浮近甸宇宙有高樓鳥外餘殘照天邊更
去舟登臨有如此况接李膺遊

廬州城下

月暈曉圍城風高夜斫營角聲寒水動弓勢斷鴻驚利鏃穿吳甲長戈斷
楚纓回看經戰處慘淡暮寒生

白鴈

波淨影逾白霜清鳴更哀乾坤雙鬢老風雪一聲來林迴隱猶見天長去
復回物情嫌太潔莫使羽毛摧

桃花島寄王伯直

水破村橋擁春寒旅鴈低遠山封霧小高浪與雲齊鳥寺明松雪朝舡滅

藕泥詩情吟不盡寄與畫中題

郎山馬耳峯

房駟落人閒入石露雙碧月明聞夜嘶驚落山頭石

春遊三首

無數飛花送小舟蜻蜓欵立釣絲頭一溪春水關何事皺作風前萬疊愁
樹藏脩竹竹藏門門外清流幾股分行過小橋人不見背陰花氣隔牆聞
煙外絲絲風柳斜春光也自到天涯太平有象村村酒寒食無家處處花

暮歸

貪着孤鳥入重雲不覺青林雨氣昏行過斷橋沙路黑忽從電影得前村
清居寺五杉亭觀子野留題

五杉今日只三株曾是詩人嘆息餘君去我來杉尚在斷腸君歿見君書

雞鳴山

煙蒸山腹晴猶濕河帶冰漸暖漸流獨上雞鳴省日出五雲多處是皇州

盧溝

河分橋柱如瓜蔓路入都門似犬牙落日盧溝溝上柳送人幾度出京華

雨晴二首

東風時送瓦溝聲，欹枕幽窗夢自驚。睡起不知雲已散，夕陽偏向柳梢明。
一抹平林媚夕暉，山煙漠漠燕飛飛。倚欄遙認天邊電，何處行人帶雨歸。

寓望

蒲根閣閣亂蛙鳴，點水楊花半白青。隔岸風來聞鼓吹，柳陰深處有園亭。

戴花

病來盃酒懶重持，強爲花殘折一枝。人老易悲花易落，東風休近鬢邊吹。

玉堂

玉堂陰合冷窻紗，雨過銀泥引篆螭。萱草戎葵俱不見，蜂聲滿院採槐花。

夏至

玉堂睡起苦思茶，別院銅輪碾露芽。紅日轉堦簾影薄，一雙蝴蝶上葵花。

華山

石頭筇確水縱橫，過雨山間草屨輕。未到上方先滿意，倚天青壁看雲生。

雨晴

一春不雨漫塵黃，碧瓦朝來泛霽光。留得紫葢花上露，幾招渴燕下雕梁。

即事

樓頭不見暮山重，遙認青林雨意濃。一陣風來忽吹散，斷雲還補兩三峯。

同樂園二首

春歸空苑不成妍，柳影毵毵水底天。過却清明遊客少，晚風吹動釣魚舡。
石作垣墻竹映門，水回山複幾桃源。毛飄水面知鵝欄，角出墻頭認鹿園。

繫舟山園裕之

先未嘗居此山之東岩

山頭佛屋五三間，山勢相連石嶺關。名字不經從我改，便稱元子讀書山。

虎牢

兩崖峽束枕洪濤，自古英雄爭虎牢。蒼天胡爲設此險，長使戰骨如山高。

中州丙集卷終

中州丁集第四

常山周先生昂百首黃山趙先生颯三首劉左司昂十首

魏內翰搏霄三首王隱君礪十三首

劉左司中三首路司諫鐸二十六首劉治中濤六首

酈著作權二十六首禮部楊公雲翼三首屏山李先生純甫二十九首

常山周先生昂

昂字德卿真定人父伯祿字天錫師事女貞先生褚承亮承亮字茂先宣和六年擢第調

易州戶曹會皇子即君破真定抽境內進士七十餘人赴安國寺試策策目上皇不道少主失信舉入希旨極口毀詆茂先離席揖主文劉侍中言

君父之過豈臣子所當言長揖而出劉為之動容比勝除茂先被黜餘悉


豪城一應之尋解年去年大定初弟進士仕至同知沁南軍節度使事

七十餘弟子謚為玄真先生德卿年二十一擢第釋褐南和簿有異政遷良鄉令入拜監察御史路宣

叔以言事被斥德卿送以詩坐謗訕停銓久之起為龍州都軍以邊功得

復召超三司判官大安軍興權行六部負外郎德卿傳其甥王從之文法

云文章工於外而拙於內者可以驚四筵而不可以適獨坐可以取口稱



而不可以得首肯又云文章以意為主以字語為役主強而役弱則無令不從今人往往驕其所役至跋扈難制甚者反役其主雖極辯語之工而豈文之正哉德卿初有常山集喪亂後不復見從之能記三百餘首因得傳之屏山故人外傳云德卿以孝友聞又喜名節藹然仁義人也學術醇正文筆高雅以杜子美韓退之為法諸儒皆師尊之既歷臺省為人所擠竟坐詩得罪謫東海上十數年始入翰林言事愈切出佐三司非所好從宗室承裕軍承裕失利逃走上谷衆欲徑歸德卿獨不可城陷與其從子嗣明同死於難嗣明字晦之短小精悍有古俠士風年未三十交游半天下識高而志大善談論而中節作詩喜簡澹樂府尤溫麗最長於義理之學下筆數千言初不見其所從來試於府於禮部俱第一擢弟主涑水簿從其叔北征得還而不忍去使晦之不死文字不及其叔而理性當過之嘗謂學不至邵康節程伊川非儒者也其說類此而天不假年悲夫

晚望

煙抹平林水退沙碧山西畔夕陽家無人解得詩人意只有雲邊數點鴉

香山

山林朝市兩茫然紅葉黃花自一川野水趁人如有約長松閱世不知年千篇未暇償詩債一飣聊從結淨緣欲問安心心已了手書誰識是生前

有感

壯心未分逐流年衰驥從渠衆目怜却恨詩情消減盡語言枯淡到中邊

冷巖行賦冷巖相公所居

冷巖賢宰相宗室亦真自號也

或為孟或為鍾人心自異山本同天清雲遠望不極小孤宛在江流中澗之毛可筐管山之木可斤斧唯有白雪高崔嵬風吹不消自太古峴山何奇羊子所攀東山何秀謝公往還今爾胡為籍甚乎人間于嗟乎冷山

早起

覆斗臨霜閣號鍾滿夜城飛揚他日事去住此時情文字工留滯塵沙管送迎百年今已半凜凜畏虛生

曉望

曉樹雲重隱春城日半陰蒼茫塵土眼恍惚歲時心流落隨南北才華閱古今柴荆生事窄寧憶二疎金

羈旅

羈旅情方慘暄寒氣尚膠谷風連遠陣原樹鬱春梢要路嗟何及浮名久
已拋百年鹿飯在真欲事誅茅

早春

小雪寒仍在煙花意已深老侵長路躋春蕩故園心幸可追沂詠何勞費
越吟微躬應自愛莫作愧千金

雪

小雪暮能繁愁雲久更昏細燈寒出戶欹樹老當軒竹葉舊時釀梅花何
處村賦詩空入夜愁絕與誰論

雨過

雨映高簷過山開晚日明動雲方潰擁號水未休爭沙岸磊磊出荒庭鶴
鶴行草泥沾復齒杖策有餘清

晚步

鬱鬱孤城隘飄飄絕塞游短衣忘遠步高興會清秋白水深樵谷黃雲古
戍樓居人半裘毯橫管暮生愁

夜

門巷溪聲爽衣裳夜氣蘊地清林影散月靜桂華孤左省詩頻詠南樓興
不辜關山水雪裏何處覓天隅

晚望

疊嶂何時出荒城落日低音書雲去北烽燧客愁西鷹隼乘秋擊狐狸倚
暮啼吟詩且排悶佳句敢攀躋

獨酌

渺渺清溪闊悠悠弱藻沉客衣臨水靜鳥影過船深暫把魚竿坐因知靜
者心滄洲高興動巢父可東尋

秋夜

高閣鍾初殷層城月未光淨空含宇大卧斗帶星長暗覺巢鳥動清聞露
菊香誰家砧杵急應怯暮天涼

對月

月近天河白秋深夜氣清蛛絲時隱見兔杵正分明欹帽中宵落孤舟幾
處行清風殊未發樹穩鵲休驚

促織

促織來何處秋風暗與期苦吟人不解多恨爾如知獨枕難安夜寒衣欲及時凌晨攬清鏡一半已成絲

溪南

小徑通沙穩清溪帶樹深岸危仵白屋雲近沒青岑洒落高秋氣飛騰志士心雲臺與麟閣莫遺二毛侵

繼人韻

高興秋方逸幽居晚見過歡交寧厭數詩好不論多五字含風雅千篇費琢磨自知才力拙相報欲如何

送李天英下第

不須寂寞恨東歸洗眼三年看一飛試捲波瀾入毫穎莫教歐九識劉幾

宿西藍

聞道西藍好能來定有緣青山避喬木流水信平田步屨迷深竹題詩惜暮煙塵心厭翻倒一室暫安禪

北湖清明

碧水隨時酒春風著處花歡嬉萬國本富貴五侯家金動樓頭管香迴日

暮車老夫唯欲睡兒女莫相誇

中秋夜高陽對月

端正高陽月空庭又見過清風禁睡得白髮奈愁何尚識王良策難知織女梭金波流汨汨應為照滹池

丘家庄早發

渡馬危橋立村雞暗樹號星稀白水閣霧重黑山高外物誰能必人生會有勞鷗鵬終變化早晚借風濤

邊月

邊月弓初滿山城角尚孤中天看獨立求夜與誰俱未覺風生暈空懷斗轉隅含情知白兔欲下更踟躕

侍祠太室

設燎彤庭敞懸燈玉殿深星河含爽朗城闕動陰沉祗慄誠初薦馨香德已歆清風動雲幕有喜見神心

夜步

擊柝隣居靜開門宿鳥驚西風秋半急北斗夜深明獨立乾坤大徐行杖

履輕遙怜漢官闕重露濕金莖

宋文貞公廟

開元四荒不動塵柱石中原有老臣襄土一丘松栢暗長安三日荔枝新

讀陳後山詩

子美神功接混茫人間無路可升堂一班管內時時見賺得陳郎兩鬢蒼

偶書

幽陰不放終年樹好味仍餘盡日茶詩業未降心有種世緣初盡眼無花

失子

白髮飄蕭老病身幾因兒女淚沾巾虛談誤世王夷甫只有情鍾語最真

北行即事二絕句

聞道崑崙北風塵避僕寔至今悲漢節不合度流沙

五月分衣鄭三軍受甲時莫教麟閣將頻發羽林兒

邊月

驅車宿雙浦極目取金波不有中秋景其如求夜何沙分疑白雪練失想
明河桂樹元無意南傾獨好柯

晨起

鼓聲隨曉角合沓起平荒宿火連岡小寒星墮水長鯨翻驚日動馬食快
宵涼白首登壇將功名好自強

西城道中

草路幽香不動塵細蟬初向葉間聞溟濛小雨來無際雲與青山淡不分
醉經齋為虞鄉麻長官賦

詩書讀破自融神不羨雲安麴米春蕒卷至今真味在莫將糟粕待前人

清放齋

平生眼白嫌物俗此身誰要冠帶束茶甌飯飽一飲足卧聽松風仰看屋
孫資深歲寒堂

世態浮雲日夜移春蘭秋菊各爭時此心鐵石無人會唯有庭前栢樹知

登綿山上方

環合青峰挿劔長小平如掌寄禪房危欄半出雲霄上秘景盡收天地藏
野闊群山驚破碎雲低滄海認微茫九華籍甚因人顯迴秀可怜天一方

謁先主廟

暗粉陳丹半在亡短垣殘日共悲涼不須古碣書綿竹自有荒村記葆桑
塵土衣冠曾繫馬歲時歌舞亦稱觴不應巴蜀江山麗能使英靈忘故鄉

送客

相見席不暖送行情更牽只愁人面隔不放馬蹄前塞迴雲垂地溪平水
接天山川後期闕把臂兩茫然

莫州道中

大陵河東古莫州居人小屋如蝸牛屋邊向外何所有唯見白沙纍纍堆
山丘車行沙中如倒拽風驚沙流失前轍馬啼半跛牛領穿三步停鞭五
步歇雞聲人語無四隣晚風蕭蕭愁殺人人有禱沙應神遼東老兵非使
臣何必埋却雙行輪

即事

憂患年來坐讀書田園拋却任荒蕪目前却得晨昏力碌碌無由似阿奴

又

遠目傷心千里餘凜然真覺近狼須雲邊處處是青塚馬上人人皆白鬚
正憶荒村臨古道不堪獨樹點平蕪誰人與話西園路梅竹而今似畫圖

感秋

秋氣入行帳愁人中夜知雞聲與人語耿耿異常時清晨起危坐感嘆不
自持羲和馭飛轂往返無停期春草如昨日已復悲離離顧謂鏡中鬢尔
衰安得邊結束媚鞍馬荒山去委蛇黃花泣宵露綠野含晨曦吾事久不
諧悠悠隨所之有懷南澗約取賦北山詩

對月

月滿秋仍早臺高夜未徂水光先剗淡星影失踟躕玉帳傳更急荒城擊
柝孤去年雙泪眼依舊入平蕪

鷓鴣山

西征疲短服北望慘衰顏再宿殊難舍相看獨鷓鴣山旆沾新雨過鳥逐暮
雲還白首瞻星漢何時鼓角閑

望山中松

地險蟠根古人稀小徑消雨皺開白雪風響入青霄未畏斧斤逼唯愁霹
靂燒解鞍那避速冷色故相招

利涉道中寄子端

行武昌望利涉高青煙依白雪岡陵彌漫澗滅氤氳冷日從東來照我
清影忽作溪水卧明月凌兢羸馬蝟毛縮詰曲微行蛇腹裂遺鞭脫鏗初
不知指僵欲墮骨欲折羶裘毛襪良可念我自無備誰從輟人家土榻借
微暖坐久清冰落鬚頰黃華臞仙怯風馭久向笙歌窟中蟄徑須持此遠
相餉一洗夜堂花酒熱

卽事二首

不堪華髮半頭生老去偏添愛娉情新得家書來報喜舊時龜子遶床行
一床安置似僧居白髮忘梳動月餘懶性漸成愁把筆小詩常擬倩人書

九日

不堪馬上逢佳節况是天涯望故鄉高會未容陪戲馬舊遊空復憶臨香
癡雲黯黯方垂地小雪霏霏欲度墻猶賴多情數枝菊肯留金盞待重陽

對月

萬里寥天月相隨不憚勞屢添華髮滿曾傍黑山高影動新瓊杵光含舊
寶刀常娥應見訝獨宿整綈袍

翠屏口七首

去歲翠屏下東流看湧波愁將新鬢賤還對舊關河翅健翻秋隼峰高並
晚馳草深饒虎跡夜黑欲誰過

地擁河山壯營關劔甲重馬牛來細路燈火出寒松刁斗方嚴夜羔裘欲
禦冬可恨天設險不入漢提封

玉帳初鳴鼓金鞍半偃弓傷心看塞水對面隔華風山去何時斷雲來本
自通不須驚異域曾在版圖中

野蔓梢駝架輕泥濺馬鞍徑斜來險石溪急上清灘羽檄千山靜羔裘六
月寒長松空夾道蕭颯不成看

旌節瞻前帳風塵識舊坡眼平青草短情亂碧山多晚起方投筆前驅効
執戈馬蹄須愛惜留渡比流河

萬里來崩豁終年氣慘悽地窮青澗斷天近玉繩低字窟黃沙北崑崙白
雪西故園何處覓搔首意空迷

塞古秋風早山昏落日低積雲鴉度久荒岸馬歸齊燈火看時出茅茨漸
欲迷塵沙恨于役况乃對雞栖

邊俗

返闔看平野斜垣逐慢坡馬牛雖異域雞犬竟同窠木杵春晨急糠燈照夜多淳風今已破征斂為兵戈

山家七首

秋日山田熟山家趣轉奇攏苞銀粟綴牆蔓綠雲垂野飯留佳客青錢付小兒主人愁喪亂數數問邊陲

蕭颯晚風涼高杠引旆長嶺雲殘宿陣陵日湛晨光已作依劉表終須問葛強俯身馳萬里未覺鬢毛蒼

年深師欲老秋至敵還輕但使財思義猶多死易生指揮無險阻感激在精誠萬古麒麟閣何曾浪得名

簡易軍中事川原入望多草平鋪碧錦山遠出青螺遠愧桃花水重臨杏子河去年關塞意蕭颯起悲歌

赤澗蟠雙闕青山壯一門放歌遊遠目箕踞得高原地險勞天設邊戈厭日屯廟謀新控扼萬里可雄吞

官舍暫投轄塞垣還着鞭路移新歲月心醉好山川方丈何由到桃源恐浪傳相看不隔水遺恨惜他年

翡翠長松秀巖岫細草班屢經新渡水不數舊看山太華愁登陟終南費引攀豈知圖畫景長在馬蹄間

北行

卸鞍休馬倦解囊罷聽鳴細雨侵衣急長郊入卧平溪喧看水滿山黑厭雲生莫惟龍行數應知欲洗兵

比歲頻分甲今年賀息兵競誇新戰士誰識舊書生比塞甘長別南天欲遠征二年迎復送空媿秦州城

山丹花

浪蕊誰能記山丹舊所聞卷花翻碧草低地落紅雲塞雨沾衣久溪風入把勤莫言羞婦醜誰識漢昭君

春日即事

凍柳僵榆未改容狐裘貂帽尚宜風欲尋把酒渾無處春在鳴鳩谷谷中寄金山老

庭前雙栢樹作別似晨朝書信隨溪茗音聲落海潮嶺雲閑可翫邊月苦無慘相見愁他日風沙兩鬢凋

寄王子明

病起身仍懶眠多意尚迷筆成今夕把書似隔年題久恨心期阻難邀物
理齊燈花應解事岑寂向人低

無題

西風吹白水日暮動寒威野帳收旗盡奚兒飲馬歸梢梢聞鳥過慘慘見
雲飛夜黑多豺虎荒村定敢依

萱草

萬里黃萱好風煙接路傍迹踈雖異域心密竟中央
淡練成初色移瓶得細香客愁無路遣始爲看花忘

得家書

窮愁非昔境白髮有深根淚破孤城郡書來萬里村
鴈聲寒日夜秋色老乾坤爲問遊方子何時慰倚門

書齋

夜雨書齋冷西風木葉拋暗蛩侵壞壁低鴈落寒郊
壯志初嘗瞻吾生豈繫匏草玄雖閉戶未用客相嘲

聞蟬

冥機辭委蛻天籟發幽嘶迴露增晨洗清風借晚携暫成千里隔還作一
枝低客思饒相觸愁時故不齊

晚陰不成

落日明西極高雲暗朔方樓臺分照耀宇宙一蒼茫不借蛟龍便虛成燕
雀忙何須遣雷怒鬱鬱繞高梁

寶氏園亭

雲樹春秋色風泉日夜聲過庭高幕暗吹簟轉露驚翠袖擎詩罷銀盃得
酒傾平生耽野趣到此眼偏明

磴鑿蒼崖破池通碧澗流慙深冷洞室吟穩憶扁舟谷口堪高隱河梁厭
速遊卜居真此地幽寂更何求

即事二首

南苑霓旌動繚牆天街蓮燭照脩廊卍南絳氣風吹盡小兩濛濛濕建章
楊花顛倒入簾櫳睡鴨香殘碧霧空盡日尋詩尋不得鶉鴉聲在夢魂中

代書寄大元伯

南園鵬蟻記同傾一帙書來萬里情日夜愁心隨柳色東風吹滿大梁城

和路宣叔梅

月底明肌聚壽陽道人呼入竹西堂安排鵬味千鍾酒消破春風萬斛香
花鳥有情應見惜娥眉傾國故難藏西湖骨朽東坡遠又爲君詩惱一場

新秋

畏日經時暑清秋一夕涼真堪近燈火不復病衣裳宋玉悲搖落安仁愧
老蒼鄙夫那及此睡美百憂忘

靳子温款春亭

曾數花驪傍樂欄春風不到酒盃寬自冷白首荒三徑桃李年年檐上看

底柱圖

鬼門幽險深百萬人門過窄逾兩年舟人吐渡口流血性命咫尺輕鴻毛
開圖頓覺風雷怒素髮飄蕭激衰腐河來天上石不移安得此心如底柱

寒林七賢

苦寒如此欲何之雪帽風裘意自奇縱有清詩三百首未應肯得党家兒
過省寬谷

嬰兒偃蹇正堪孩換得山西老將回往者不追來不戒莫將家世論人材
魯直墨跡

詩健如提十萬兵東坡真欲避時名須知筆墨渾閑事猶與先生抵死爭
讀柳詩

功名翕忽負初心行和騷人澤畔吟開卷未終還復掩世間無此最悲音
憶劉及之

千株何處封君橘二頃誰家負郭田長路風塵空費日故園書札動經年
未能免俗真聊耳不爲懷憂亦悄然襟抱何人與開釋論文除得老臞仙

家園

五畝園連竹三開屋向陽氣和春浩蕩心靜日舒長花鳥成相識琴書付
兩志陶然一樽酒誰復記羲皇

晚望

獨立孤城上關山望不休異鄉驚絕域遠目豁清秋未擬登樓作空歌出
塞愁故園飛鳥外溪水正南流

水南晚眺

小徑通沙穩清溪帶樹深岸危低白屋雲近沒青岑洒落高秋氣飛騰志
士心賦詩增感激流水是知音

正月大風雨

風如渤海勢凌虛寒破貂裘力尚餘不是化工難倚賴也知青帝有驅除
吊張益之

當年讀書山堂中夜喜與君燈火同塵編壞簡如蠹攻弱質鄙鈍煩磨礱
新詩如洗露芒鋒逸氣欲倒浮雲馳輕裘肥馬世上雄吾徒一飯嘗未充
君如孔翠愁彫籠我亦哀鴻避鳴弓孤城一別天西東幾見黃葉飛霜風
寄書無由魂夢通西望落日銜千峰他時雲雨儻相逢猶思驚雷起池龍
鬼神無賴欺天公哀哉若人竟死窮自聞君亡阜生骨上訴九關無路從
百年過眼如轉蓬夢時憂樂覺即空長夜漫漫何時終作詩寄哀投殯官
別本長夜漫漫何時終爲落句

黃山趙先生泚

泚字文孺弟進士明昌末終於禮部郎中性冲澹學道有得黃山其自號
也閑閑趙公云黃山正書體兼顏蘇行草備諸家體超放又似楊凝式當

處黃魯直蘓才翁伯仲間党承百篆陽冰以來一人而已而以黃山配之
至今人謂之党趙有黃山集行於世涼陘云我我景明宮五雲湧蓬萊山
空白晝永野曠清風來放遠亭晴日未消千嶂雪煖風先放一川花青天
低處是平野白鳥去邊明落霞秦村道中去桃花都被風吹却楊柳似將
煙染成其餘多稱此

晚宿山寺

松門明月佛前燈庵在孤雲最上層犬吠一山秋意靜敲門時有夜歸僧
僊和尚坐脫

識得從來覺性圓西歸隻履更翛然永嘉穩步曹溪路臨濟飽參黃柏禪
桶底脫時無一物機輪轉處有三玄火中留得一莖草依舊光明燦大千

黃山道中

小穀城荒路屈盤石根寒碧漲秋灣千章秀木黃公廟一點飛雲白塔山
好景落誰詩句裏蹇驢馳我畫圖間膏育泉石真吾事莫厭乘閑數往還

郊外

迥野鏡秋色高臺半夕陽鷗眠沙渚靜鳥沒嶺雲長薄宦違幽興浮生更

異鄉歲華成白首丘壑愈難忘

貢院中懷山中故居

歲晚西溪路誰過舊草堂苔紋侵柱礎竹色度隣牆白首光陰疾青山意緒長相思老兄弟夜夜夢還鄉

貢院聞雨

燈暗風翻幔蒼吟葉擁墻人如秋已老愁與夜俱長滴盡塔前雨催成鏡裏霜黃花依舊好多病不能觴

聚遠臺

獨上平臺上風雲萬里來青山一樽酒落日未能回

秋日感懷

歲月不相饒秋風颭已至蚊雷稍收聲團扇且復置久雨不宜人新涼差快意數篇東臯詩引我北窓睡林泉久隔闊塵土作憔悴但有適人適何嘗事吾事一貧既忘懷所好無不遂世無陶靖節何人知此味

用仲謙元夕詩韻

聞道藍田輞口莊歌湖前日具飛航李膺定已回山棹王績無由入醉鄉

薄宦繫人如坐井窮愁染鬢欲成霜早知上界多官府只向人間作酒狂

分韻賦雪得兩字

大雪初不知開門已無路驚喜視曆日此瑞固有數池冰凍欲合林鴉噪仍聚已成玉壺筍尚作寶花雨造物固多才中有無盡句大兒擬圭璧小兒比塩絮後人例踏襲彌復入窘步聚星號令嚴亦自警未悟誰有五色筆繪此天地素好語覓不來更待偶然遇

和茂才韻

十年為客未還家贏得毵毵兩鬢華別後故人應念我不來踏雪看梅花

留題西溪三絕

誰開玉鑑瀉天光占斷人間六月涼日落沙禽猶未散也知受用藕花香波光湛碧冷無痕眇眇輕風起縠紋認得朝來踈雨過却因水底見飛雲總道西溪畫不如豈知造物用功夫蟾光忽作靈犀透表裏通明兩玉壺

九日懷尹無忌

茅屋秋蕭索幽居盡日閑碧雲看欲暮遠客幾時還書劒成何事風塵只強顏思君千里夢夜夜到燕山

立秋

日月如川流去矣不復回萬物各有營榮悴更相催餘生苦多艱壯志久摧頽念欲學還丹鬱紆殊未諧今朝立新秋庭樹西風來舉首望天宇飛雲獨徘徊呼兒且沽酒浩歌豁秋懷醉中得妙理逸興何悠哉

和崔深道春寒

長風忽落青林端風聲洶洶若江聲寒大陰盤礴乱天序推書撲筆成長嘆美人何許媚幽獨使我不見心無歡頗聞隱居誦莊屈蓬窓坐擁塵編殘琴歌酒賦兩寂寞懸知此興殊未闌遲君一來吐欵要舉盃放目雲天寬

西城觀水

西山秋水來天地巨野橫流浩無際長風颯浪鱗甲生兩角斜分半山際繚堤北去接飛橋鼓鼙洶洶驚濤中流疑兀玉山起直疑河伯驅靈鷲冷光搖蕩秋雲白渾似夢中遊震澤隔林我欲喚漁郎孤帆忽如過鳥翼安得酒船常拍浮四時甘味置兩頭何人與我同此樂頽陽試覓元丹丘

盆池荷花

一泓寒碧甃波光雨後妖紅獨自芳不許纖塵污天質政須清吹發幽香

洛神初試凌波襪妃子來從礬石湯休笑埋盆等兒戲要令引夢水雲鄉
扈從車駕至荆山

海上飛來碧玉峯琪林琪樹更青葱參差樓觀浮雲表顛倒山光落鏡中侍從有臣司碧落笑談無處不清風好分靈沼為膏澤乞與人閒作歲豐

中秋

秋氣平分月正明
紫珠宮闕對蓬瀛已驅急雨消殘暑不遣微雲點太清
簾外清風飄桂子夜深涼露滴金莖
聖朝不奏霓裳曲四海歌謳即樂聲

題齊物堂

至人識破浮生理萬變何嘗有不同果蝶夢周周夢蝶為風乘我我乘風得時未必全無識窮處方知却有通畢竟欲齊齊底物世間元是一虛空

秋郊晚望

桃竹猶堪杖幽尋興頗嘉池荷能幾葉籬菊不多花地坼成龜兆林枯出大牙村農慶豐歲社鼓已三過

元日

馬上逢元日東風送客愁
滄海春水渡瀛海夕陽樓
雪照潘郎鬢塵侵季子裘
勞生已強半更欲玷清流

過良鄉縣學

儒宮宜地僻竟日有餘清
殿古碑仍在庭空草自生
風高時脫木雲重欲摧城
客興已消洒秋堂更雨聲

和詵上人雪詩

貧巷仍飛雪空庭迥絕塵
照窻疑不夜着樹忽驚春
枕冷夢魂短山明天宇新
賦詩分氣象定有灞陵人

澗上

遠徑留殘照疎林出小園
山川半豺虎歲月且琴尊
杜老新雞柵龐公舊鹿門
不才真忝竊人道典刑存

新涼

頗覺小眠快便知秋意真
清風論世舊老圃得時新
移竹觀君子翻書訪古人
可人陶靖節隨意葛天民

過修縣董大夫廟

漢朝元不用真儒豈信忠
嘉益帝圖賈誼長沙晁錯死
不須獨恨老江都

寓居寫懷

平陸溫風雪半消孤煙籬落隔溪橋
越虛人去林泉靜時有晚鴉銜墮樵

劉左司昂

昂字之昂興州人
大定十九進士曾高而下以科名相踵者七世矣昂天資警悟律賦自成一家輕便巧麗為場屋捷法作詩得晚唐體尤工絕句往往贈多人口張秦娥者頗能小詩其賦遠山云秋水一抹碧殘霞幾縷紅水窮霞盡處隱隱兩三峯其後流落之昂贈詩云遠山句好畫難成柳眼才多總是情今日衰顏人不識倚爐空聽煮茶聲又云二頃山田半欲蕪子孫零落一身孤寒窻昨夜蕭蕭雨紅日花梢入夢無娥為之泣下屏山故人外傳記之昂早得仕年三十三省掾考滿授平涼路轉運副使人謂卿相可坐致矣術士有言之昂官止五品者之昂自望者甚厚不信也俄丁母憂為當塗者所忌連蹇十年卜居洛陽有終焉之志有薦其才於道陵者泰和初自國子司業擢左司郎中將大用矣會遼陽人大中欲搖

執政賈鉉為言者所劾辭連之昂道陵震怒一時聞人如史肅李著王宇宗室從郁皆譴逐之鉉尋亦罷政之昂降上京留守判官道卒竟如術者之言

醉後

禪僧勸讀傳燈錄道士教行進火功今日興來俱破戒黃花籬落醉西風

山中雨

嵩高山下逢秋雨破傘遮頭過野橋此景此時誰會得清如窻下聽芭蕉

都門觀別

買酒消閑愁剪刀剪流水閑愁不可消流水無窮已悠悠下斷腸波總是行人墮淚多門外馬嘶思遠道小頻猶唱渭城歌歌聲未斷征鞍發望斷垂楊人影滅斜陽照影却歸來兩地相望今夜月閱人多矣主人翁離別都歸一笑中陌上行人終不悟年年楊柳怨春風

客亭

折盡官橋楊柳枝春風依舊綠絲絲啼鴛為向行人道離別何時是盡時

山堂

山雨溪邊過山堂夜獨吟悠悠松上月照見壁間琴

弔張維翰維中兄弟

蓮幕清曹粉署仙福兮禍倚豈其天座隅異物鵬來止地底佳城馬不前萬里青雲今已矣兩枝丹桂竟徒然阿奴莫愛聲名好碌碌持家亦自賢維翰名甫弟一人擢弟維中名庸此榜乙科阿奴謂冉冉字維賢後以省元登科兄弟科名如此近世所未有也

即事二首

雨洗明河畫扇收胡床露冷藥欄秋墻陰未得中庭月一點螢光草際流山花山雨相兼落溪水溪雲一樣閑野店無人問春事酒旗風外鳥關關

歌風臺

劉項興亡轉燭過亂蟬吟破漢山河長陵卧老咸陽月沛上猶傳擊筑歌

弔李仲坦仲坦物故後省試魁始有特恩之命

文章巧與世相違身後新恩事已非不及萋萋原上草一番春雨綠如衣

王官谷

潛溪時照塵埃客微雨不遮天柱峯斜日落花人去盡淡煙樓閣數聲鍾

魏內翰搏霄

搏霄字飛卿初用蔭補以薦書從事史館明昌中宏詞中選授應奉翰林文字未幾卒飛卿詩以富艷稱如張公子席間賦嵩山筆力豪逸党承旨許其在劉無黨之上云

送河南府尹張壽甫赴闕

夜半思綸出漢宮朝家虛席待燕公春風已徧湖山外元氣還歸鼎鼎中侍從定誰陪白鳳_臣回空自惜冥鴻洛川萬頃蒲桃碧長與清愁日夜東

田若虛遊龍門寶應用天隨子體賦詩因次其韻二首

少室右臂禹所斷開排清伊來高塞土肉養石自古秀山腰流泉無時乾佛_臨滴滴漆濕翠松風颼颼鳴驚湍白傳已矣不可見予誰從之投歸鞍闕塞若_既馬奔騰多奇_虐怒爾不可沮西來何_控控駿足忽勒破英才如_拘龐有客善體物新詩留僧_窻晏_輩豈足道微_瀾生益缸徑續_杞菊意來浮玻璃江吏部昔_竄誦猶能題_龍况此六大寺_礎堂時鳴_椿紫翠出萬瓦天風旋珠_幢興寄百斛_鼎無才誰其扛會聽_項籍約吾將從之降

王隱君碣

碣字逸賓先世家臨洛至逸賓遂為汴梁人博學能文不就科舉孝友天至非其食不食家無_甌石之儲晏如也明昌中故相馬_{吉甫}判開封舉逸賓王_彥功游宗之德行才能逸賓得_鹿邑主簿就乞致仕_彥功以親老調鞏州_教官宗之讓不受_{三人}者雖出處不齊而時人皆以高士目之_閑公嘗集党承旨趙_{黃山}路司諫劉之昂尹無忌周德_卿與逸賓七人詩刻木以傳目為明昌_{辭人}雅制云

暮春鄆南

大梁城外孤臺傍煙昏水碧春林芳憑高極目見歸_鴈風物令人思故鄉紫金山下斜陽暮萬里川光照雲_樹山間細雨花落時何人來往東風路

記南塘所見簡孟友之

大橋南郭野橋東十里垂楊十里風渺渺煙波連御道離離雲稼入郊宮雨滋蔓草曉逾綠日映荷花晚更紅登覽只宜_閑笑口尊前六客四衰翁

次文遠韻

野性唯便_閑寂居蒼苔鳥跡滿庭書林花過雨紅猶重籬竹和煙翠亦踈已與農人成保社更令兒輩學耕鋤賞音只有東郊客日袖新詩到敝廬

謝竹堂先生見過

學稼古寺側結廬高柳陰音書故交絕歲月杜門深新雪添衰鬢寒灰死
壯心西州賢別駕連日肯相尋

次友之秋日雨後韻

洛州秋雨後幽勝可供閑白首留他縣歸心遶故山野泉來竹底危磴入
雲間尚記登高會重崑細菊班

寓居南村

朝來出門無所適野徑雨晴沙不泥鼓笛誰家賽春社杖藜隨過柘岡西

雜詩七首

陰陰綠樹聞庭除散盡鳴禽靜有餘獨對爐薰坐終日會心唯有漆園書
瓦爐栢子細煙消閑讀禪經破寂寥風細月高人已靜隔窻疎竹夜蕭蕭
晴日南溪物色饒草芽新綠凍全消金絲柳底洲沙沒數尺流波拍野橋
南畝東臯春務時田家候雨罷耕犁却汲井泉澆藥圃更疏陂水灌麻畦
竹繞沙村水漫流鷓鴣對沉浮一竿便擬從漁父卷置琴書買釣舟
屋頭藪木撼蒼煙風卷飛花到枕邊南寺有僧來問字打門驚覺午窻眠

漢梁王苑古臺西秋思紛紛獨杖藜雲壓高城鴈飛盡一聲寒角夕陽低

劉治中濤

濤字及之夏津人明昌二年同進士用戶部尚書孫鏗薦入翰苑歷太原
運副汾州倅入為太子贊善以彰德治中致仕尋卒心南節度康塘良輔
葬之林慮之寶巖

小雪

黃紬被暖起還慵小雪輕簷落旋空舊館簿書寬半餉冷官庭戶滿西風
馬遭其窘三山瘦人坐詩工五鬼窮安得東風囓桃李也教春色到衰翁

和德卿雪

南華香火是真依不學呼鷹雪打圍梁苑舊遊荒徑改穎濱新唱綠牋飛
春生東閣酣朝飲寒入西隣泣夜機夢寐扁舟釣江水重嗟白髮此心違

井陘

寒壓歲嶂嶸山陰日少晴敗眠鷄小梗勸坐火多情便面堪長路牽頭破
老兵誰教戀升斗盡室此途行

宿平遙集福寺

院僻和僧靜門閑與畫長燕泥朝雨淖蝶藥晚風香野興前詩思乾愁繞
客腸青奴如解事供我暮窻涼

送王純叔守曹州

栢路人看御史驄年來眼落簿書繁單車乍別金鑿月五馬頻嘶玉勒風
故國山河連小鄆舊家雜犬識新豐遙知別夜詩成處醉袖淋漓蜜炬紅

戲用前人語題天平別墅

表聖當年綰五千休休亭下買林泉黃華面目君還見天柱峯高不直錢

劉左司中

中字正夫漁陽人屏山故人外傳云正夫爲人短小精悍滑稽玩世中明
昌五年詞賦經義弟詩清便可喜賦其得楚辭句法尤長於古文典雅雄
放有韓柳氣象教授弟子王若虛高法騁張履張雲卿皆擢高弟學古文
者翕然宗之曰劉先生以省掾從軍南下改授應奉翰林文字爲主帥所
重常預秘謀書檄露布皆出其手軍還授右司都事將大用矣會卒有文
集藏于家周德卿嘗謂正夫可敬從之可愛之純可畏皆人豪也

冷崑公柳溪

斗印輕拋繫肘金故園風物動歸心柳含煙翠絲千尺水寫天容玉一尋
山色只於閑裏好風波不似向來深人間桃李栽培滿換得溪南十畝陰

龍門石佛

鑿破蒼崖已失真文添行客眼中塵請君看取他山石不費工夫總法身

路司諫鐸

鐸字宣叔伯達之子與弟鈞和叔父子俱有重名而宣叔文最奇尤長於
詩精緻溫潤自成一家任臺諫有古直臣之風貞祐初出爲孟州防禦使
城陷投沁水死有虛舟居士集得之鄉人劉庭幹家

書州驛壁

雉堞俯已見羊腸行尚難炊煙界沮水老木識橋山時廢無人吊臺高有
鳥還客懷秋館雨未老鬢先斑

王子端挽辭

才名如此不償窮再入承明一病翁白髮光陰文字裏黃華林麓畫圖中
謫仙猶想屋梁月荆產空懷松下風聊應世緣緣故在會看歸鶴語遼東

慶壽寺晚歸

九陌黃塵沒馬頭，眼明佛界接仙洲。清溪照影紅蕖晚，禪榻坐涼碧樹秋。
少室宗風間木義，裕陵遺墨爛銀鈎。對談不覺山銜月，只爲松風更少留。

賦文室碧玉壺善甫賦詩鐸亦奉和二首

心知雲路等榆枋，戲作方壺當玉堂。虛靜自應祥止止，逍遙均是一蒼蒼。
心含寶月無中外，身著青霞可頡頏。政爾天遊到疑始，覺知誰送竹風香。
隨人作計魚千里，知命無憂鳥一天。碧落雲深堪避世，聽落名九華煙煖可
忘年。平章萬有歸玄覽，收拾方心入大圓。上界真人自官府，不妨聊作橘中仙。

次韻荅李通

華顛何意軟紅塵，霄漢聊收退鷁身。方喜長松倚東野，又從淨社得遺民。
高山流水知音少，霽月光風發興新。賴有好詩相慰藉，不然開口欲誰親。

雨中

月翳有時吐，風薰俄自清。雲廻暑天影，雨進夜窻聲。眼聽參天籟，神游得
化城。覺來還故處，飢鼠撼燈檠。

輞川

畫圖風景是亭榭，歲年非秋色。半黃落人煙，深翠微暗溪。魚得計，杳靄鳥

忘機觸物增惆悵，吾廬早晚歸。

高唐劉氏駐春園

風光去人無咫尺，人自塵勞不相及。此心既定境從之，雪樹霜林亦春色。
劉翁有道久陸沉，十年種樹全成陰。醉鄉天地白日永，鷓鴣栗栗留皆好音。
良辰行樂今已矣，依舊東流泛蘭芷。誰道青春挽不留，鯉庭看取新桃李。
膏車秣馬吾將歸，誓與清景相追隨。隨安用苦求三徑，資明月常滿千家壩。

赫仲華求賦鄴臺張氏野堂

白沙翠竹小江村，路轉西郊隔市塵。入坐好山如有素，志情鷗鳥澹相親。
芋魁飯豆平生足，澗草當花各自春。得酒誰能更羈束，不妨倒着白綸巾。
題鄒公所藏淵明歸去來圖

牛刀小試義熙前，一日懷歸豈偶然。有意侯君門外柳，無機還我酒中天。
貞姿佳菊秋霜裏，真意南山夕鳥邊。善學展禽唯此老，萬人海裏小斜川。

衛州贈子深節度

淇上風光萃一樓，樽前北海百無憂。平分玉鑑漁村晚，四望黃雲寡婦秋。
懼卷斜照鈎簾納，煙翠微颺高枕看。安流梅天消息和，羨近老稚寧容挽。鄧侯

童關

樓迴臨飛鳥車外汗十牛地靈開翠壁天遠送黃流趣戰如姦計當關豈壯猷天梯且失守况說土山頭

七夕與信叔仲荀會飲晚歸有作

秋香瀉月笑談香飲散歸來夜未央闕角星河搖淡影柳行燈火試新涼雄飛動業歸時華信美江山着漫郎萬事浮雲心鐵石休將梁國嚇蒙莊

襄城道中有言長官暴橫者

禾黍伍風汝水長遲遲驛騎困秋陽病軀官事交相礙夢雨行雲肯借涼盡說秋蟲不傷稼却愁苛政苦於蝗詩成應被西山笑已多眉頭尚否臧

感寓

云云一水抱山流路轉岡陵到渡頭張翰秋風動歸興惠崇煙雨着孤舟祿輕道重從三黜日暮人遙發四愁世事悠悠莫回首聊憑酒聖作天游

冠氏雨中

氣肅關河萬綠摧遠遊節物動悲哀人牛不見曉煙重草樹有聲山雨來老矣何堪米鹽事中之安得聖賢孟遙伶鶴駿孤雲底日望林梢一葉迴

細香軒 三首

花氣爐煙揔不同巽青噴翠小窻風中邊故嗅渾無有心跡相忘忽暗通閣雨含風戶牖涼聞機才發興何長無心孤竹那能爾自是詩人知見香霜雪青青玉一簌肯從桃李借薰醲不知香界何從立憑仗清風問籊龍

芳梅如佳人贈襄城衛昌叔

芳梅如佳人不見令人思豈無桃李顏夏蟲為於時霜風靜天宇蘭悴菊亦衰凌寒一俛粲功烈如彼卑幾年幽西路緒固望遠迤思之不得見空吟水曹詩夜月將夢去雲深水之湄邂逅疎竹邊我我認風儀今日真見止昨夢猶著龜塵中儻擬子謂我酷好奇逃空聞足音此心胡不夷

遂初園詩 閑閑堂

行邁已自勞坐忘猶有為動靜二塵耳一真非即離舉頭見青山曲肱轉黃鸝心安萬境寂境轉何妨隨

思玄堂

塵世一何隘求懷耿中情端著得吉卜有鶴戾天鳴慨然趣子裝雲旂渺遐征鴻濛偶相值笑我勞經營駕言還故鄉方寸以道寧先疇理耘耔初

服細芳馨諦觀九州事曾不出戶庭漁父有默識鋪糟愈於醒

汴梁公廨西樓二首

官舍誰言隘西樓興不窮閑雲歌枕裏飛鳥捲簾中風定天還水煙虛月

盧全以方處

度松回觀猶有愧破屋着盧全盧全以方處雲能看來變簷陰坐次移一蟬吟未了雙鳥去何之薄宦槐安夢浮名劍

首炊安心元有法遣興可無詩

次韻鄴著作病起

玄晏耽書昔坐癡如今手版對山持病知居士安心處負是詩人換骨時單見敢參東觀論徐行休嘆後山遲山林朝市元無異怨鶴驚猿自不知

師拓

拓字無忌平涼人舉進士不中明昌中有司薦其才以嗜酒不果作詩有氣象而工於鍊句如賦鴈云天低仍在眼山沒更傷心溪上云夕陽明菡萏秋色淨菡萏白曳衝煙鷺紅翻漾水霞春日池上云水風涼綺席沙日麗金盞燕市酒樓云氣清天曠蕩露白野蒼涼又荷蒼秋近葉蓮賦雨餘花大為時人所稱

秋夜吟

阪路太行險波濤滄海深素縕未偶時白髮將盈簪壯士暮年意游子中心夜心拊劍一太息月暗天橫參

浩歌行送濟夫之秦行視田園

霜斂野草白氣肅天宇清開尊酌速客餞此秦關行秦關杳杳愁西顧千里蒼茫但煙樹子今行轡按秋風想見秦關雄勝處河流洶洶崑崙來蓮峯秀拔青雲開終南南走絡巴蜀五陵北望令人哀我本渭城客浪迹來東征窮齊歷宋嗟何管尚氣慕俠游梁城信陵白骨委黃土夷門誰復知侯生拊劍一長嘯作歌誰為聽青天白日空冥冥不能乘桴入滄海拂衣且欲歸汧涇落颺高陽歸未得送子西歸空愴情

冬夜二首

雲破月穿牖夜嚴風號隙客子寢不安寒燈照空壁默然不平事起坐長太息書但記姓名劍本匹夫敵追奔慕前哲恢張濟時策何意造物兒重此稻梁役興酣氣益振孤憤遠飄激非無南山雲高臥養虛寂如芝酌懸流嘯吟展骨臆聖達豈不念且有不煖席此抱誰與知乾坤夜寥闕

破屋星斗入疎牖霜風生沉沉夜何久杳杳天不明燈暗飢鼠出月朗樓
烏驚幽意苦盤礴歷落窮八紘貧賤足戚所思天下英盤木無先容竟
與枯朽并旃毳脛纒掩藜藿腹不盈鬱鬱命世才何階伸一鳴僵卧蓬蒿
底要路誰為名恥作掃門謁寧為醴酒行直將叫閭闔皎皎開寸誠白日
下留照廓廓賢路亨此志恐未必搖蕩熱中情

游同樂園

晴日明華構繁陰蕩綠波蓬丘滄海遠春色上林多流水時雖逝遷鶯暖
自歌可伶歡樂極鉦鼓散雲和

陪人遊北苑

甲子歲

繫馬溪邊酌啼鶯柳外聞望長魂欲斷愁豁酒微醺草色明殘照江聲入
暮雲故園春已到歸思日續紛

曲江秋望

山遠嶂重出野平天四圍涼風芡實圻久雨藕花肥水闊漁舟小天長去
鳥微紫浦行處有采采莫盈衣

和王逸賓繁臺詩

憑望怜臺迥長吟苦思荒行雲春郭暗高鳥暮天蒼草色傷心極松風洒
面涼故園兵革外殊覺路途長

贈雲中劉巨濟

雲廓乾坤迴霜摧草樹殘風聲秋晚急月色夜深寒綠綺音誰會青霄氣
自干那知燕市裏把酒得交驩

郡城南郭早望

曉立回塘上何人逸興同柳濃天霽雨萍圻岸含風鳥影明蒼靄湖光倒
碧空秦川何日到解鞍濯清澗

中元後二日

暑謝涼生除庭虛雨過時天長雲斷續風急樹披離世態貧逾薄秋光老
易悲燕城寒事早還與舊貂期

和張叔獻題首善閣

岩堯飛閣與雲齊來凭脩欄日轉西秦客此時愁欲醉隴山何處望渾迷
九天花鳥催春事千里風煙入暮題夕怕殊方看節物不知今日在丹梯

麗著作權

權字元輿安陽人作詩有筆力圃田道中云斷橋經壞屋古道入崩山石
礮云蒼崖秀苔花壞道補石棧徐行下井底斗上出天半綺岫宮云離宮
歸相望百年幾遊歷獨知窮已樂衆對不汝郵繁華忽及燼歲月空瓦爍
赤水道中云水近嗁寒氣星殘曳由芒燒痕去炎威隨變滅餘燼委丘壤
田疇更斷續原隰依下上班班澗溪毛往往漏尋文晴空墮雪影夕照壓
秋嶂昆明翻劫灰黑水走濁浪煙中一線來細路入空曠游石窞云雲間
兩石角相闢如關門上連石窞口鎗鈇愁猱猿捩如空洞腹瑩滑無纖痕
何年補天手月斧雲爲斤琢成蒼玉巖覆此玻璃盆龍潭云臺高野望遠
地僻春意閑郊行云強引村醪終少味漫留詩句懶題名村行云瘦藤籬
角蔓雜草樹根花夾道懸新棗荒畦卧晚瓜又云歲豐人樂社秋近客思
家書事云佳樹漲新綠危藂樓老紅與顯叔云茶竈翻春白糟床滴曉紅
雜詩云樹影携錫鈴聲客到門片月冷千嶂敗橋通兩村此類甚多元
輿父瓊國初有功仕至武寧軍節度使元輿以門資叙宦不達朝廷高其
才明昌初以著作即召之未幾卒有坡軒集行於世

聞砧

玉關消息到長安處處砧聲搗夜闌想得月殘哀響斷一燈清淚剪刀寒

夷門遺懷

梁園花木艷精神盡屬東風點綴人雪壓老梅香不起問君消得幾多春

西游雜詩

茅店雞聲外柴車大吹聞疎星涵積水殘月墮昏山好夢人何在秋風我
獨還梨園有名酒聊此慰閒關

慈恩寺塔

慈恩石刻半公卿時遇聞人爲指名龍虎榜中休着眼一篇俚賦悞平生

木犀

菊小未堪摘荒池悴芙蓉窮秋不慰眼幽獨將焉如殷勤榮宮子種桂庭
之除乘閑弄餘花散落荒山隅從茲雲月裔漂泊生江吳娟娟耐凍枝便
與群芳殊琉璃剪芳掠蛾黃拂仙裾垂袖花點碧漱金粟生膚好風一披
拂九里香縈紆蘭蕙不敢友荃蓀正僮奴妾意此尤物化工異吹噓不然
九天香安得獨付渠託物寄深溫古今一三閨收攬名草木自比君子徒
惟茲不掛口無乃聖不居抑夫古簡編斷缺秦火餘君看齊魯臣史筆逸

其書惜哉不可曉臨風為嗟吁允怡元祐前不及附歐蘇末路益可惜例
進宣和初仙根豈易致百死不一甦昔遊汴離宮識此傾城殊摩挲三品
石尚想狎客娛却後十五年微霜半粘鬚一枝再經眼相對怜羈孤不知
苦何事玉骨乃爾癯故人怜我老尺書遠招呼要趁秋香濃共此碧玉壺
遙知婵娟客與我一笑俱

竹林寺矮松

蒼煙靄山曲回溪抱脩筠中藏古佛宮荒僻無四鄰靈松插殿脚偃蹇今
幾春何年霹靂雨抉石搜潛鱗調重飛舉難隨此蜿蜒身聯拳縮爪股氣
屈不得伸卧枝老無力支撐藉樵薪無風自悲吟失水固不神安知才不
才禍福了已分南山聳千嶂直幹排風雲正以中繩墨中道遭斧斤豈知
無用資千歲保其真何必求先容養此老困輪我亦愛奇節歲晏守賤貧
他時來汝伴露頂挂葛巾

自鶴壁游善應洄山

清晨發鶴山瘦馬陵峻嶺春風吹雪谷朝霧濕雲影羊腸抱傾崖絕壑如
下井破關山却立老眼入絕境人家跨清溪桑柘鬱數頃西行復幾里崑

谷栖短景窮溪水源清溜溜如細綆下流泉滿山執谷久方騁難光落鏡
明嵐氣霏雨冷何年鑿青壁兩佛入禪定殘僧久零落遺塔寄煙暝荒涼
布金地雜逕樵牧徑同遊成六逸羈飲助高興留連更坐卧談笑發嘲詠
感物復嘆嗟醉語忽遲延青山不受寶歲歲出礬礦公場沸千夫利井供
百鼎誰開爭奪源敗此丘壑勝頗思呼有力擲入萬里迴天神定笑我癡
絕謾生癭長懷古畸人飛夢繞箕顛

八渡崖

奔湍百折似蟠虬響入山根匯復流咫尺蒼崖溪八渡等閑藜杖我頻遊
層崖障日樵聲晚寒谷呼風樹影秋安得剩栽溪上竹一菴領盡兩山幽

留仲澤

朝衫酒濕紫宸霞暫輟旌旗擁使華馳馬彎弓真將種載書囊筆自名家
江湖萬里春回鴈燕趙千林月滿花明日外沉便霄壤更留玉樹倚蒹葭

寄唐州幕官劉無黨

白髮青衫宦苦卑邊荒誰識鳳麟姿河西落魄高書記劍外清貧杜拾遺
紫玉山高傳楚夢瓊珠淵淨照黃陂禁中頗牧他年事先遣江淮草木知

除夜

殊方節物老堪驚病怯諸隣爆竹聲梨栗異時鄉國夢琴書此夕故人情
眼看曆日悲存歿淚濺層蘇憶弟兄白髮明朝四十七又隨春草一番生

七夕

縹緲針樓外天教彩羽過步雲榆送影拂月桂交柯繡縷繁芳袂瓜蓮得
巧梭常娥如解妬還與試斜河

濟源廟海子內有元龜人以將軍目之投餅餌則至

我欲燃犀起蜃雷謾誇海灘紙錢灰將軍不是池中物也為區區餅餌來

裴公亭

十里蓮塘際碧山入潭無數竹根泉詩狂欲洒亭閒壁却愧文公與樂天

郊行二首

十里脩篁翠拂天青田漠漠水濺濺高林忽斷驚回首不覺竒峰墮眼前
溪橋納納馬蹄輕竹裏人家犬吠聲行盡灘光溪路黑隔林燈火夜深明

禮部楊公雲翼

雲翼字之美樂平人明昌五年經義進士第一人詞賦亦中乙科天資穎

悟博通經傳至於天文律曆醫卜之學無不臻極事母孝與人交款曲周
密處事詳雅而能以大節自任南渡後二十年與禮部閑閑公代掌文柄
時人號楊趙而公以後輩自處不敢當也宣宗頻歲南伐事勢有決不可
者論議之際時相多以避嫌不敢言公獨直言極諫以為兩淮生靈皆陞
下赤子不能外禦北兵而取償于宋以天下為度者不如是也是後再出
兵時全一軍幾為宋人所覆宣宗悔悟責主兵者曰我當何面目見揚雲
翼耶興定末拜吏部尚書中外望其旦暮入相竟以足疾不果正大五年
八月終於翰林學士年五十九謚曰文獻天下識與不識皆哀惜之至今
評者以為百餘年以來大夫士身備四科者惟公一人而已子恕字誠之
弟進士今在燕中

陽春門堤上

薄薄晴雲漏日高雪消土脉潤如膏東風可是多才思先送輕黃到柳梢

光林寺

煙浮霜塔閉禪關冷落先生杖屨閒碧水同來弄明月黃塵不解汗青山
因緣多自成三宿物我終同付八還欲識光林全體露松花落盡嶺雲閑

上白塔寺

睡飽枝筇徹上方門前山好更斜陽苔連碧色龜趺古松落輕花鶴夢香
身世窮通皆幻影山林朝市自閑忙簾幙不動天風靜莫聽鈴中替戾岡

聞韶圖

千古神交寄至音聞韶想見聖人心容聲便落筌蹄外後學休從肉味尋

張廣文消搖堂

方寸閑田了萬緣大空物物自悠然鶴鳥長短無餘性鵬鷄高低各一天
身內江湖從濩落眼前瓦礫盡虛圓叩門欲問姑山事龍聳聳由來愧叔連

侯右承雲溪

功成何許覓菟裘天地雲溪一釣舟夢破煩襟濯明月詩成醉耳枕寒流
西風歸興隨黃鵠皎日盟言信白鷗政恐蒼生未忘在草堂才得畫中游

大秦寺

寺廢基空在人歸地自閑綠苔昏碧瓦白塔映青山暗谷行雲度蒼煙獨
鳥還喚回塵土夢聊此弄澄灣

蔡村道中

水連深竹竹連沙村落蕭蕭已暮鴉行盡畫圖三十里青山影裏見人家

戴松畫牛

春草原頭雨濕煙夕陽渡口水吞天披圖坐我風蓑底一夢長林二十年

迴文

梧井落花秋寂寂竹窻掛月夜沉沉孤鸞舞處回腸斷遠鴈來時別恨深

煙雨

涼氣先秋至重陰接望迷有無山遠近濃澹樹高低鳥雀枝閒露牛羊舍
北泥支頤政愁絕風雨過前溪

和呂介甫

山下三秋雨山中六月涼樹林溪谷暗花藥小欄香夢破風開卷詩成鳥
送觴紅塵多內熱政爾救頭忙

謾與

乍寒簾幙一燈青從史羈情爾許清葉擁西風秋有思天垂北斗夜無聲
吟蛩遶夢家千里過鴈連愁月四更寄語黃華耐岑寂好看霜葉到歸程

雙成寺中登樓

雲意生陰晚不收西風疎雨一江秋畫圖忽上闌干角隱隱平灣轉釣舟
父老寄樂平令胡德玉

老去宦情薄秋來鄉思多
進於乘壠在無奈棘林何白水青沙谷黃雲赤
土坡幾時隨父老社酒太平歌

應制雪詩

陰雲破曉不曾晴瑞雪隨風落五更積玉未平鷓鴣瓦飛花先滿鳳凰城
閨深農畝千疇綠塵壓龍沙萬里清最好壽杯浮喜色明年洗眼看外平

元日

香炮猶餘去歲煙五更斗柄已回天
來從天外春何早
俵向人間老不偏
莫問流光似流水且從今日數
今年東風五十七年
夢夢覺還驚雪滿顛

太一秋

四崖環抱鏡光平數畝澄泓石底清
寒入井頭千丈雪淨涵崑際一天星
傍人爭出魚依勢銜葉飛來鳥護靈
日東風送潮出口應絕頂透滄溟

應制白兔

聖德如天物効祥
褐夫新賜雪衣裳
光搖玉斗三千文氣傲金風
五百霜

禁籞合樓瑤草影御爐猶認桂枝香
中興慶事光圖牒黼坐齊稱萬壽觴

李平甫為裕之畫繫舟山圖閑公有詩某亦繼作

名利走朝市山居良獨難
况復山中人讀書不求官
東崑有佳致書室方
丈寬彼美元夫子學道如觀瀾
孔孟澤有餘曾顏膏未殘
向來種德深直與山根蟠之子起其門
孤鳳騫羽翰計偕聊爾耳
平步青雲端竭來遊京師
士子拭目觀禮部天下士文盟今歐韓
一見折行輩始如平生歡舞雩詠
春風期著曾點冠五言造平淡許上蘇州壇
我嘗讀子詩一倡而三嘆世人非無才
多為才所設高者足詆訶下者或辛酸
吾子忠厚姿不受薄俗漫晴雲意自高
淵水聲無滿他日傳吾道政要才行完
會使茲山名與子俱不刊

閑閑公為上清宮道士寫經并以所養鵝群付之諸公有詩某亦同作

會稽筆法老無塵
今代閑閑是後身
只有愛鵝緣已盡
舉群還付向來人

屏山李先生純甫

純甫字之純弘州人承安年進士仕至尚書右司都事為舉子曰亦自不

碌碌於書無所不闕而於莊周列禦寇左氏戰國策爲尤長文亦略能似
之三十歲後徧觀佛書能悉其精微既而取道學書讀之著一書合三家
爲一就伊川橫渠晦庵諸人所得者而商略之毫髮不相貸且恨不同時
與相詰難也性嗜酒未嘗一日不飲亦未嘗一飲不醉眼花耳熱後人有
發其談端者隨問隨答初不置慮漫者知所以統室者知所以通傾河瀉
江無有窮竭好賢樂善雖新進少年游其門亦與之爲爾汝交其不自貴
重又如此迄今論天下士至之純與雷御史希顏則以中州豪傑數之子
全字稚川今居鎮陽

雪後

玉環暈月蟠長虹飛沙捲土號陰風黃雲幕幕翳晴空屋頭唧唧鳴寒蟲
天符夜下扶桑宮玄冥震怒鞭魚龍魚龍飛出滄海底咄嗟如律愁神工
急斨北斗捲雲漢凌斯捲入天瓢中椎璋碎璧紛破碎六華剪出寒瓏瓏
翻翻作穗大如手千竒萬巧難形容恍如墮我銀沙界清光縞夜寒瞳矐
肝腸作祟耿無寐試把往事閑追窮男兒生須街枚卷甲臂瑠弓徑投虎
穴策竒功不然羊羔酒漲玻璃鍾侍兒醉臉潮春紅誰能蹇驢馳着灞陵

東骨相酸寒愁煞儂屏山正吐黃蘂氣笑倒坐閒亡是公

赤壁風月笛圖

鈺鼓掀天旗脚紅老狐膽落武昌東書生那得麾白羽誰識潭潭蓋世雄
裕陵果用軾爲將黃河倒捲前西戎却教載酒月明中船尾嗚嗚一笛風
九原喚起周公瑾笑煞儂州禿鬚翁

送李經

鬚張元是人中雄喜如俊鶴盤秋空怒如恠獸拔枯松老我不敢嬰其鋒
更着短周時緩頰智囊無底眼如月斫頭不屈面如鐵一說未窮復一說
勃敵相扼已錚錚二豪同軍又連衡屏山直欲把降旌不意人間有阿經
阿經環竒天下士筆頭風雨三千字醉倒謫仙元不死時借竒兵攻二子
縱飲高歌燕市中相視一笑生春風人憎鬼妬愁天公徑奪吾弟還遼東
短周醉別默無語鬚張亦作衝冠怒阿經老淚如秋雨只有屏山拔劍舞
拔劍舞擊劍歌人非麋鹿將如何秋天萬里一明月西風吹夢飛關河此
心耿耿軒轅鏡底用兒女肩相摩有智無智三十里眉睫之間見吾弟張
謂伯玉周謂晦之

為蟬解嘲獻臣伯玉不平彈解

老蜨破衲染塵緇轉丸如轉造物兒道在天淵傳有之定中幻出蟬娟姿
金仙未解羽人尸吸風飲露巢一枝倚杖而吟如惠施字字皆以心為師
千偈瀾翻無了時關鍵不落詩人詩屏山叅透此一機驕弟蟠兄何見疑
此理入玄人得知驕弟恐我冷却西山秀張有登樓詩昨日上高樓西山
死
灰想見屏山老瘴飢西山隈番兄勸我吸去壺盧溪高有壺盧溪未易以蠶測
飲却西山色高樓空雀鬼白
大若溪上翁有口吸不得壺中別是一洞天溪上去因蟬倩我問渠伊快掉
翁即壺中仙畢竟人間無着處杖頭挑取屏山去

灞陵風雪

君不見浣花老人醉歸圖熊兒捉轡驥子扶又不見玉川先生一絕句健
倒莓苔三四五蹇驢馳着盡詩仙短策長鞭似有綠政在灞陵風雪裏管
是襄陽孟浩然官家放歸殊不惡蹇驢大勝揚州鶴莫愛東華門外軟紅
塵席帽烏靴老却人

贈高仲常

借問高書記南征又北征從軍元自樂遊子若為情筆下三千牘曾中百

萬兵傷弓良小怯彈缺竟何成慘淡風塵際悲涼鼓角聲別家四十日並
塞兩三程斗絕牛皮嶺荒寒燕賜城吟邊白鳥沒醉裏暮雲橫感繫悲王
繫顛狂笑彌衡虎賁多將種底用兩書生

真味堂

問渠真味若為言不着塩梅也自全蠶鼎大夫徒染指翅車公子漫流涎
膏中已有五千卷徽外更聽三兩絃此老清饒何所嗜宦名嚼蠟已多年

畫兔

三窟言何鄙中林計未疎貧而長衣褐老矣不中書搗藥元無死忘蹄始
見渠子皮今尚在遺像豈陶朱

貓飲酒

枯腸痛飲如犀首奇骨當封似虎頭嘗笑廟謀空食肉何如天隱且糟丘
書生幸免翻盆惱老婢仍無觸鼎憂只向北門長卧護也應消得醉鄉侯

天游齋

丈人未始出吾宗草靡波流盡太冲七竅鑿開無混沌六根消落盡圓通
法身兔角聲聞外塵事牛毛夢幻中誰會天游更端的瘦梅疎竹一窓風

孫卿子

諸儒談性盡歸情誰信黃河徹底清未到崑崙源上見且休容易小荀卿

謝安石

阿堅休道不英雄兒輩俄成蓋世功履齒折時渠自省至今人解笑桓冲

魏徵

健兒搖足據山東李氏家居太半空貞觀力排封建議魏徵元只是田公

老蘇

宋季人憂大瓠穿敢留金幣不輸邊權書更信蘇家策刺費書苗幾倍錢

偶得

包裹青衫已十年聰明更覺不如前簿書聚裏先抽手鼓笛場中少息肩

瓶底剩儲元亮粟又頭高掛老坡錢會須着我屏山下却平生不問天

雜詩六首

顛倒三生夢飛沉萬劫心乾坤頭至踵混沌古猶今黑白無真色宮商豈

至音維摩懶開口枝上一蟬吟

乾坤太聚落今古小朝昏諸子蠅鑽帑群雄巫處禪一心還入道萬物自

歸根却笑幽憂客空招楚些魂

丹鳳翔金鼎蒼龍戲玉池心源澄似水鼻息細於絲枕上山川好壺中日

月邊神仙學道者那許小兒知

空譯流沙語難奈少室禪泥牛耕海底玉犬吠雲邊仰嶠圓茶夢曹山放

酒顛書生眼如月休被衲僧穿

狡兔留三窟彌猴戲六窓情田鋤宿草心月印澄江酒戒何曾破詩魔先

已降雄蜂雌蝶正自不成雙

道義富無敵詩書貴不貲浮生幾兩履任樂一絢絲豪俠非吾友懼儒即

我師誰知茅屋底元自有男兒又作元有丈夫兒

趙宜之愚軒

羿窮射殺金畢逋老盧雌殺玉蟾蜍朝夕相避崑崙墟忍見天公一目枯

塵昏土眯萬萬古雲移雨淚寒模糊嗟哉區中人么麼如蚍蜉書生不惜

兩瞳子長使看書如老奴水部一奇士西河君子儒二公正坐詩作崇得

句令人不敢書先生有膽乃許大落筆突兀無黃初軒昂學古澹家法出

關睢暗中摸索出奇語字字不減瓊瑤琚神憎鬼妬天公坦戲將片雪翳

玄珠九竅鑿開混沌死罔象未必輸離朱靜掃空花萬病除一片古心含
太虛屏山有眼不如無安得恰似愚軒愚安得恰似愚軒愚

子端山水同裕之賦

遼鶴歸來萬事空人閒無地着詩翁只留海岳樓中景長在經營慘淡中

馬園同裕之賦韓筆定襄霍益之家物

天馬飛來不苦難雲屯萬騎開元間太平有象韓生筆曾見真龍如此閑

歌庵

書生只合飽黃蘗大嚼屠門計似癡壁上七絃元自雅囊中五字更須奇
橫陳已覺如嚼蠅皆醉何妨獨啜醅此味欲談舌本強如人飲水只渠知

劉宋

六十衰翁血打圍深山赤手搏熊羆子孫只解相魚肉辛苦知他為阿誰

哭黃華

土價五羊皮人生忝一炊蓋棺那可忍掛劍不勝悲向上誰曾到而今渠
得知侍臣傷立本老媿怒義之作病無如酒窮愁正坐詩中郎猶有女少
傳竟無兒散落真行帖飄零騷雅辨儒林頓憔悴未敢哭吾私

怪松謠

阿誰栽汝來幾時輪困擁腫蒼虬姿鱗皴百怪雄牙鬚擎空天矯蟠枯枝
疑是秘魔崑中老慵物旱火燒天鞭不出睡中失却照海珠羞入黃泉蛻
其骨石鉗沙錮汗且僵埋頭卧角政摧藏試與摩挲定何似怒我長觸須
驕張壯士囚縛不得住神物世閒無着處隄防夜半雷破山尾血淋漓飛
却去

虞舜卿送橙酒

屏山持律不作詩硯塵筆秃紫蛛絲枯腸燥吻思戛戛法當以酒疏淪之
何物督郵風味惡根觸閑愁無處着苦思新釀壓橙香世閒那有楊州鶴
乞詩送酒並柴門瀛洲仙喬令公孫肺腸憤庠芒角出傾瀉長句如翻盆
怪汝宵中雲夢大老我眼皮危塞破徑呼短李與黔王快取錦囊收玉唾
欽叔士衡

中州丁集卷終

中州戊集第五

史御史肅 三十首

蕭尚書貞 三十二首

史內翰公奕 一首

龐都運鑄 二十九首

許司諫古 四首

王防禦良臣 十首

高治中庭玉 四首

李治中適 六首

陳司諫規 四首

馮內翰延登 十七首

劉鄧州祖謙 三首

高博州憲 八首

王監使特起 七首

李經 六首

梁太常持勝 一首

愚軒居士趙元 三十五首

密國公琦 四十首

史御史肅

肅字舜元京兆人僑居北京之和衆幼孤養於外家天資挺特高才博學
作詩精緻有理尤善用事古賦亦奇峭工於字畫業科舉為名進士立朝
為才大夫優於政事嚴而不苛所至有聲吏畏而安之累以廉陞歷赤縣
及幕官入為監察御史遷治書出刺通州大中黨獄起為所絀謫靜難軍
節度副使大安初召為中都路轉運副使超戶部正郎復坐鑄降同知汾
州事卒官舜元素尚理性之學屏山學佛自舜元發之晚年頗喜養生謂

人可以不死嘗欲棄官學道而竟止於此可哀也已詩號澹軒遺臺今在燕都鄭庭幹家其平生則見之屏山故人外傳云

偶讀賈逵之數飯帖有感作詩哭之

微官已數鷺棲屈異事俄傳鵬告凶彩筆書來墨痕濕玉樓人去酒尊空當時快意牛心炙今日傷懷馬鬣封一幅銘旌送哀挽白楊蕭索九原風

河上

堤外三竿日河邊八尺泥夜風喧馬櫪秋露冷鷓棲歲月吾生老關山客夢迷故園桃李樹搖蕩不成蹊

別張信夫

破壘殘星沒寒城曉角孤天低雲錯莫野曠雪模糊小市千錢米征人丈八及邊愁故未已不敢恨長途

別懷玉

官曹不著市門仙綠髮念念換少年慣作簿書塵重夢愧無山水窟中緣蜂鬚鶴膝曾搜句兔角龜毛不論禪此別相思渺何許一川山色鴈連天

山陰縣

湧雲驅雨不成霖山徑危行未要深午夢初迴烏鳥樂小亭斜日柳陰陰

方丈坐中

紙本功名直幾錢何如付與北窓眠詩書作我閑中地風月知人醉裏天水底游魚真見性樹頭語鳥小參禪平生習氣蓮華社一炷香前結後緣

早出薄化

朝來對酒不能觴看盡西風去鳥行山好未忘三日雅詩窮贏得一秋忙強顏紅葉自由舞野性黃花無賴香多謝殷勤暮雲影更留淡墨寫溪光

宿睦村

闌干河漢已西傾獨坐披衣過五更簷馬了東風外響田車歷轆月中行忘形沙鳥知人意空地山雲不世情露草霜筠有幽意詩題分付候蟲聲

次韻安之飲酒

日上南窗已數竿醉頭扶起不巾冠欲開杜堯多招客先乞兵厨暫補官玩世唯知酒功聖藏身無似醉鄉寬麒麟閣上功名字不博生前一笑歡

過九里山

斷蛇扛鼎兩爭雄陳迹荒涼萬事空今日山前無過客數株衰柳管秋風

道傍柳

秋霜一何嚴，凋此道傍柳。殘枝幾葉在，其勢不得久。憶昨三春時，濯洗煙
雨後。弄姿舞婆娑，勸我一盃酒。別後遽能幾，忽忽成老醜。人生非金石，長
短百年壽。功名與富貴，於身亦何有。古人隨物化，今已柳生肘。我獨何為
哉，窮年事奔走。長堤隱落月，駐馬一迴首。春風柳梢黃，定得西歸否。

登潤忠寺閣

淨宇懷超想，層梯企俊游。喧卑三界盡，製作六丁愁。聚土閑童子，移山老
比丘。能除分外見，寸木即岑樓。

讀傳燈錄

閉戶懶不出，真成住夏僧。肝腸雖自苦，面目得人憎。處世若大夢，學禪猶
小乘。早知文字候，更用讀傳燈。

夏夜

一雨昭蘇外，群山宴寂中。移床就佳月，引杖納涼風。蝸舍冷渠小，蚊雷訝
許同。幽懷闕清境，舒嘯夜將終。

物化

物化能忘我，天遊不用心。檀香群蟻聚，樹靜一蟬吟。敗井勞深汲，荒庭闕
近尋。枕書聊假息，夕日半墻陰。

立秋日

舊穀催新穀，今秋似去秋。年衰猶健飯，官達也窮愁。樹鳥依依宿，簷螢細
細流。箇中詩句在，倚杖得真搜。

感興

避俗嫌高絕，干榮恥盜誇。君貧偶從仕，學道不志家。樹果蓄秋實，園葵聚
晚花。一軒吾事了，無意競紛華。

偶書

東風數點梨花雪，吹我傷春萬里心。知有高亭堪眺遠，惜無佳客共登臨。
晴雲入戶團，傾蓋飛鳥隨。人作好音寒食清明少，天色孤居未要酒盃深。

放言五首

蓮社從來說陶遠，竹林今不數山王。家雞野鷲何須較，秋菊春蘭各自芳。
清風明月無人管，茶鼎薰爐與客同。壯歲羞為襜褕子，如今却羨嘯嘯翁。
曉出東廬

谷口子真隱水濱韋氏莊鷗鷺賓客對鴻鴈弟兄行小圃叢生竹平林半
是桑朝陽生野渡濕盡馬蹄霜

次張信夫韻

絳帳先生寄一州不教文字到橫流草玄只擬關門坐好事應從載酒游
虎穴已曾探虎子龍溝未信出龍頭錦囊詩句年來滿供盡閑花野草愁

髮脫

年年道路少清歡麩髮莖疏餽薄食月色過窓同夜夢霜華著壁獨朝寒
求醫未有詩千首破老唯消竹數竿衰髮從今不須脫少留衰白戴黃冠

立秋日

畏景流庭過涼颺即坐來物隨時共換人覺老相催
蜨蝶依蓂穩嘶蟬抱樹哀王簪香好在墻角幾枝開

復齋

居士年來一復齋馴庭鳥雀絕驚猜雨添窓下硯池蒲風揭床頭書卷開
身似卧輪無伎倆心如明鏡不塵埃紛紛寵辱人間世付與浮雲任去來

北潭

竹陰松影玉葱籠十里平堤一徑通碧水下開新鏡面青山都是好屏風
寒蟬高鳥清愁外折葦枯荷小景中酒力未多秋興逸夕陽聊貸半林紅

晚興

秋蟲已息又還吟晚雨初晴又作陰水面微風掠蒼玉雲頭落日綠黃金
年豐酒價應須賤睡起茶甌未要深人道雙清到心迹年來無迹亦無心

雜詩二首

春江日暖舞清漣客舍蕭蕭縷煙幽鳥隔林招我醉小桃當戶為誰研
禪心已作沾泥絮詩思渾如上水船却是官閑得無事一簾紅雨枕書眠
南皮城下荒秋草說是當日燕文臺世事翻騰只如此吾生棄置已焉哉
迎風紫萸因循老背日黃花次第開獨夜不眠思阿謝白羊如駕小車來

春雪

豐年不救兩河饑鴈盡繞看小雪飛謾說春來膏澤好其如隴上麥苗稀
空花只解驚愁眼濕絮寧堪補敗衣頗笑西臺瘖御史日斜騎馬踏泥歸

蕭尚書貢

貢字真卿咸陽人唐太傅宣十七代孫博學能文不減前輩蔡正甫大定

二十二年進士自涇州觀察判官召補省掾不四五月拜監察御史累遷
右司郎中預修泰和律令所上條畫皆委曲當上心興陵嘉歎曰漢有蕭
相國我有蕭貢刑獄吾不憂矣又奏死囚獄雖已具仍責家人伏辨以申
冤抑詔從之遷刑部侍郎入謝曰臣願因是官廣陛下好生之德上大悅
凡真卿所平反多從之歷大興同尹德州防禦使同知大名府事陝西
路轉運使河東北路按察轉運使靜難軍節度使南京都轉運使御史中
丞以戶部尚書致仕年六十六終於家謚曰文簡有注史記百卷公論二
十卷五聲姓譜五卷文集十卷傳於世

渭南縣齋秋雨

穴床撐拄小窻前一點青燈照不眠簷溜淙琤風漸瀝嫩涼如水夜如年

假梅

綠窻嬌小似梅人素手東風巧思新鸞尾剪裁千顆雪蜂脾點綴一家春
長教客枕生幽思不逐林花委路塵莫道去非詩破的兔毫那解寫花真

臨泉道中

半世事行役茲游初未經峽門迷白晝嶺脊上青冥澗曲莓苔滑松盤霧

兩溟登危人跼踏涉險馬鈴崢落日留行客投鞭得驛亭短墻明積雪破
屋漏踈星羗笛誰三弄羈懷強一聽葭蘆知不遠河外數峯青

自感

形骸付與甄陶外禍福難防倚伏前孔雀若知牛有角應須忍渴過寒泉

荒田擬白樂天

荒田幾歲闕人耕欲種麻桑耆越晚晴急手剪除荆與棘一科才了十科生

樂府雀生

微蘭二雀名

徽門晝煖柳啼鶉蘭閣窻深月照紗腰素輕盈珠極穩鬢雲鬆亂玉釵斜
春風一去空陳迹暮雨三生只當家自倚廣平腸似石不妨綺語賦梅花

米元章大字卷

顏楊死去誰補處米狂筆力未可涯追慕古人得高趣別出新意成一家
老蛟駮雲肉倔強枯樹漬雪冰渣牙九原裴說如可作應有新詩三嘆嗟
裴說懷素草書歌欲歸家三嘆嗟眼前三箇字枯樹楂烏梢蛇黑老鴉

楊侯畫晉公臨江賞梅樂天與鳥窠禪師泛舟談玄不顧而去
戲爲一絕以代晉公招樂天同飲云

明粧冷蕊兩清新面纈浮光數爵頻
拭風前寒鼻液快來同醉雪中春

漢歌

華陰雙壁傳山鬼報道明年祖龍死
草間豪傑伺天時攘袖撫衿爭欲起
藁祠篝火妖狐語駭涉為王張大楚
南公舊有三戶謡東井新看五星聚
中原茫茫走秦鹿天遣沛公興白屋
大蛇斬斷素靈號蚩尤祭罷朱旗蠹
竭來扶義入關中恩結人心帝道隆
秦法煩苛猶一洗項王慄悍何勞攻
三傑相須立人紀四老仍來安太子
已令陸賈說詩書更詔孫通制儀禮
阿翁着手規摹遠獨恨兒孫讀城旦
王純霸雜寧不知不是不知知已晚

楚歌

沙丘車過亡明鏡人頭畜鳴自賢聖
阿房殿裏醉宮娃趙高手中持國柄
群雄雲擾蕩山東邯鄲却墮秦圍中
項王一戰動天地諸侯膝行趨下風
割裂河山建侯國天下畏威心不服
只貪衣繡榮楚猴豈識金刀得秦鹿
楚歌一夜四面發泣別虞姬歌數闕
殘兵牢落似晨星獨騎凌兢踏寒月
烏江渡口方喚船五侯追奔已江邊
苦道天亡非戰罪劍化壯氣成飛煙
君王雄武古無比獨無仁義誰相濟
向能忠計資泥增未必漢家能卜世

穀城東頭土一丘悠悠遺恨何年休

悲長平

秦兵伏甲武安西趙將非材戰士携
千里陣雲沉曉日萬家屋瓦震秋聲
哀纏朽骨天應泣怨入空山鳥不栖
百戰區區竟何得阿房煙草亦淒迷

雒陽

西來洛水遶崧高野店荒村換市朝
董卓搜牢連數月郭威奪市又三朝
劫灰深掘終難盡鬼火爭然忽自消
千古興亡幾春夢只將閑話付漁樵

中秋對月

去年中秋客神京露坐舉盃數月明
今年還對去年月北風黃草遼西城
年年月色長清好只有悲秋人易老
兒童不解憶長安歌舞團圓遶翁媪
人生宦游真可憐不知何處度明年
預愁老罷廢詩酒負此冰玉秋嬋娟
我生萬事隨緣耳居自無憂行亦喜
君不見杜子閨中只獨看鄜州寂寞
千山裏

寄荅張維中

北轅千里赴陪都日覺還家計愈疎
人事浮雲千變化宦途平地幾崎嶇

青山有約長回首白髮無情忽滿梳賴有同年老兄弟相思時寄數行書

保德州天橋

鬱鬱風雲入壯懷天潢飛下碧崔嵬兩崖偪側無十^清步萬頃逡巡納一盃
濺沫紛紛跳亂雷怒濤翻轉晴雷曾聞電火魚燒尾會趁桃花漲水來

靈石縣

古道行人少荒城亂石侵天橫礮素直河入土囊深澗近雲長澗山高日
易沉田翁樂豐歲歌笑下崎嶇

真容院

魔宮佛界等空虛此理何曾屬有無直向臺山始相見可中還有二文殊

讀火山瑩禪詩卷

禪師隴州白氏岐山令君舉樞判文舉之

弟自幼日有詩名河東嘗有詩云十日柴門九不開松庭雨後
蒲蒼苔草屨挂起跣趺坐消得文殊更一來歸寂後客有示其
集者因題其上

長短都歸一夢中身前身後兩無窮李愷信士今如在定向江湖訪澤公
君馬白

我馬瘦君馬肥我馬虺隤君馬飛彫鞍寶校錦障泥向風振迅長鳴嘶一
朝計落路傍兒銅鬲為柳薪為衣瘦馬雖瘦骨骼奇古人相馬遺毛皮千
金一顧會有期

陳宮詞

三閣花深白晝迷酒催狎客賦宮詞管絃散落春風外一曲金釵兩鬢垂

岢嵐

岢嵐地勢橫三泖河朔城墉挂一箕紫塞高連寒日短黃榆落盡長年悲

按部道中二首

空野河津水沒響管岑官路雪封條一年樂事能多少強半光陰馬上消
寒城腴晚插山隅秋半霜風塞草枯月轉譙樓天未曉角聲吹徹小單于

日觀峰

半夜東風攬鄧林三山銀闕杳沉沉洪波萬里兼天湧一點金烏出海心
族兄才卿下弟後赴宜祿酒官以詩寄之

久期老距擅文場命壓人頭可得壯兩脚塵泥官葉晚十年燈火夜窓涼霜
添老葉山梨紫兩浥寒花野菊香懷花南北相望無百里幾時樽酒浣離腸

梨花

丰姿閑淡洗粧慵眉綠輕顰秀韻重香惹夢魂雲漠漠光搖溪館月溶溶
陳家樂府歌瓊樹妃子春愁慘玉容安得能詩韓吏部郭西同去醉千鍾

後趙

擬倫人物指高光可笑鼻雖不自量正使成名皆豎子英雄也未到君行

古採蓮曲

洋洋長江水渺渺漲平湖田田青荇荷艷艷紅芙蓉酣酣斜日外苒苒涼
風餘舊舊誰家子裊裊二八初兩兩並輕舟笑相招呼悠悠波上鷺潑
潑蒲中魚采采不盈手依依欲何如

擬迴文四首

春波綠颺歸鴻過夜月明時飛鵲愁人去附書將恨寄暮山雲斷倚高樓
樓上却來樓下待晚窻春盡斷回腸愁人有說嫌人問淚酒新詩掃墨香
風幌半縈香篆細碧窻斜影月籠紗紅燈夜對秋魂夢老盡春庭蒲樹花
萋萋碧草連天遠杳杳行人幾日迴凄雨晚涼空坐久淚粧殘暈濕紅腮

史內翰公奕

公奕字季宏大名入系出石晉鄭王弘肇父良臣宣和中擢弟終於潞州
觀察副使季宏大定二十八年進士再中博學宏辭科程文極典雅遂無
繼之者累遷著作郎翰林修撰同知集賢院正大中置益政院楊吏部之
美與季宏皆其選也以直學士致仕年七十三卒季宏文章書翰皆有前
輩風調下至棊糊之技亦絕人遠甚閑閑稱其温厚謙退與人交愈久而
愈不厭其學問愈扣而愈無窮其見重如此詩文號洹水集兵後失之子
應祖字企先孫老忠今在燕中

李鴈門

天下三分二屬梁區區獨木欲支唐錦囊三矢傳遺恨不救朱三着赭黃

龐都運鑄

鑄字才婦大興人家世貴顯明昌五年進士風流文采為時輩所推字畫
亦有蘊藉仕至京兆運使自號默翁

雪谷曉裝圖

溪流咽咽山昏昏前山後山同一雲天公談笑玉雪噴散為花葉白紛紛
詩翁瘦馬之何許忍凍吟詩大清古老奴寒縮私目語作奴莫比詩奴苦

木僵石老鳥不飛山路益深詩益奇老奴忍笑憐翁癡不知嗜好乃爾為
楊侯骨中富丘壑醉裏筆端驅雪落因何不把此詩翁畫向草堂深處着

景骨城驛中夜雨

畫角邊城暮孤舂野水秋一川霜樹老萬葉雨聲愁自古誰青眼勞生只
白頭何時問漁父客我亦扁舟

洛陽懷古

草樹蕭條故苑荒山川慘淡客魂傷玉光照夜新開塚劍氣沉沙古戰場
金谷更誰誇富麗銅駝無處問興亡一尊且對春風飲萬事從來穀與臧

田器之燕子圖

器之自敘云明昌丙辰予從軍塞外合虜里山野舍荒涼難以狀言春末
有雙燕亦巢此屋土人不之識屢欲捕之子由為全護此燕晝出夜歸予
必開戶待之忽一日飛止坐隅都無驚畏巧語移時不去予始悟明日秋
社此鳥當歸殆留別語也因作一詩贈之云幾年塞外歷崎危誰謂鳥衣
亦此飛朝向蘆陂知有為暮投第舍重相依君恰我處頻迎語我意君時
不掩扉明日西風悲鼓角君應先去我何歸此詩以細字寫之為螭九繫

之燕凡上明年四月予受代歸又八年泰和甲子任潞州觀察判官四月十二

日偶坐解舍之令臺堂忽雙燕至二飛簷戶間上硯屏予諦視之繫足螭凡

故在乃知此鳥蓋往年贈詩者也因請同年龐君才卿畫為圖求諸公賦詩

器之姓田名環雲湖人明昌五年進士出至山東路宣撫使惻懷有志節開闢公所謂田侯落落奇男子者也田君才略燕雲客少年累有安

邊策悔從筆研取功名直要橫馳沙漠比塞垣春雪白皚皚東風未放玄陰

開烏衣之國定何許一雙燕子能飛來三年驛舍安西道眼底鷺花無夢到

忽見佗飛入短簷此身似向邯鄲覺君居海東我中原相逢乃在穹廬前天

涯流落俱為客感時念遠空蒼然長安何限高高閣晝夜風閑開翠幕底事

猜嫌不往依甘從此地風沙惡土人嗜肉無仁心一生弋獵誇從禽有巢幸

穩勿浪出汝身未必輕千金朝來暮去益狎昵物我相忘情意一但怪重裘

積漸添元是西風催社日須知音巧惟鷓鴣忽來坐隅如告辭我方留寓

未歸得為君忍賦傷心詩詩成自述聊為戲繫足封之亦無意燕已歸飛

我未歸刀斗聲中忽驚歲旋頭夜落妖氛收嫖姚獻凱歸神州玉闕早喜

班超入北海不聞蘇武留君才經世蓋終枉幕府須賢來上黨別後歸期

兩及瓜人間秋燕十來往沉沉官舍紅芳稀葛衣燕居澹忘機忽聞巧語

入簷戶大似相識來相依一飛簷外窺庭樹一上屏山驚不去解足分明
 得帛書真是當年留別句天生萬物禽最微固耶偶耶吾不知古道益遠
 交情醜朝恩暮怨雲遷移當時握手悲別離一旦富貴弃如遺聞子燕歌
 應自疑慎無示之噴我幾揚之黃尚書請子危巢客舍父相依常記西風社日歸海
 無憑鳥自飛寄語齊諧休志怪沙鷗相款解志機張巨濟云沙塞相逢命已輕翠堂重
 見眼增明小詩繫足初無意巧語迎人獨有情陰德自招黃雀報機心能致白鷗盟社前
 秋後風光好須賀他年大厦成李之純云一別未涯十見春重來白鷗一省新心知話盡
 春愁處相對依然如故人王用云相別相尋積歲年人心不及鳥心堅填憤思義三生
 積分付平安七字篇王謝烏兜疑說紹蘭冠線定虛傳何如此段人親見舊語從今不
 直錢李欽叔云暮上光風已十霜任王履謙獨難忘當時相送詩仍在此日重來話更長
 客舍花開新信息雲曉香冷舊黃昏王人得報君知否千古珠璣在錦囊開閣趙公三詩
 田思敬敬之刀白雷卿趙承元王副樞子明許節張雲卿師諸各一詩此不具錄

晚秋登城樓

山勢碧環合溪光縞帶明牛羊成晚景砧杵助秋聲酒薄人情廢官閑吏
 事生天東歸興蒲不為憶萼羹
 落日危樓上詩成尺自哦清商行老矣紅葉奈秋何墮甌前非悟跳丸去日
 多功名猶誑我未許着漁蓑

冬夜直宿省中

吏散庭空宿鳥過凍吟聊復戰詩魔陶泓面冷真堪唾毛穎頭尖漫費呵

畏事政宜賓客少不才偏覺簿書多西窗燈闈尊無酒奈此迢迢夜漏何

山行絕句

四面雲山玉作圍一川霜樹錦為衣翩翩數騎南岡下傳粉王孫射鹿歸

鹿酒圖

我愛陶淵明愛酒不愛官彈琴但寓意把酒聊開顏自得酒中趣豈問頭
 上冠誰作鹿酒圖清風起毫端露電出形似神情想高閑大似揮絃時目
 送飛鴻難袖中有東籬開卷見南山嗟予困塵土青鬢時一班折骨尚未
 免敢謂善閉關望望孤雲翔羨羨飛鳥還歸田未有日掩卷空長嘆

夏日

富國才疎合自羞清時無補但優游只知錢向帑中裹不信能教地上流

花下

香蒲西園曉雨微萬紅千翠自高低苦為常作莊周夢飛向幽芳闌處樓

梨花

孤縈本無匹誰令先衆芳花能紅處白月共冷時香縞被清無染冰姿淡
 不粧夜來清露底萬顆玉毫光

未開牡丹

國香半吐醉顏酡炫耀春工已自多愛惜不教催羯鼓更澆卯酒看如何

却暑

九夏樓居不厭高要須直至冷雲巢風來蘋末聊自使暑蒲人閒無處逃
蔗蜜漿寒冰皎皎畫簾鈎冷月梢梢閑思殿閣生涼句誰為懸誠作解嘲

懷友

鏡裏衰顏失舊紅當年豪逸夢魂中山城對月中秋夜隴鴈寄書西北風
遣興與誰同酒盞盃相思無處附詩筒憑高想到消魂處落日無言水自東

喜夏

小暑不足畏深居如退藏青奴初薦枕黃妳亦升堂鳥語竹陰密雨聲荷
葉香晚涼無一事步履到西廂

墨竹三首

隔溪煙雨

一溪流水玉消消溪上脩篁接暮煙誰倩能詩文與可筆端移得小江天

秋風驟雨

瀾川急雨暗秋空無限琅玕澹墨中劔甲攢攢軍十萬欲將貔虎戰斜風

春雷起蟄

千梢萬葉玉玲瓏枯槁叢邊綠轉濃待得春雷驚蟄起此中應有葛陂龍

山谷透絹帖

君不見李廣射虎如射兔霹靂一聲石飲羽又不見巨靈擘山如擘雲蓮
華萬仞留掌痕精神入物物乃爾筆端有神亦如此熙豐以來推善書目
下無雙黃大史曾中八法蟠虹蛻我眉僊人容竝馳平生敗筆塚壘繁妙
處不減磨崖碑呂侯好古兼好異與字分身作游戲清潭錯落印星壁大
澤縱橫散龍蛇又如漢宮粉黛爭嬋娟倚風顧影更妍豈無硬黃官帝
與臨做畫師寫照非天然呂侯之子今詩仙傳家以此為青氈須防神物
有時合却逐六丁飛上天

許司諫古

古字道真永安中進士在宣宋朝以直言極諫稱良宗即位首命驛致之
落致仕授右司諫未幾乞身還伊陽賢之禮黃冠野服人臣所以遠歸老之心
其思禁足以兩全而前後不可多得有臣如此如幾人具官道直以方氣剛而大
論非世儒所到名節以古人自期揮自先朝置之於田里退閒之間起之於侍從
深冀伏辜方見理輪之志朕即大位稔聞直聲起之於田里退閒之間起之於侍從
思之地完備始終之節從容進退之間歡陽城之敢言惜其將去念孔戩之既老挽之

莫留持進一階榮躋四秋華山拂袖最是為世之上
閑神武挂冠猶不負山中之相勉終晚節益介壽祺郡守為起伊川亭道真性嗜酒
老而未衰每乘舟出村落閒留飲或十數日不歸及沂流而上老稚奔走
爭為之挽舟數十里不絕其為時人愛慕如此正大七年年七十四卒前
三日有書見及字已歎傾矣

青柯平二道人

深谷緣危磴長林繞碧山山中四時好方外兩翁閑身世青雲上塵埃大
夢間高情應笑我才到却空還

被召過少室

老病無堪合退休伊川久已得菟裘如今又上長安道好被青山笑白頭

扇圖

雲壓溪塘小雪春融融和氣浥輕塵山禽共作梅花夢物性由來懶是真

訪箕和尚峴山

箕出衣冠家在三屯山中有元夕懷京都

詩云一燈明處萬燈明天上人間不夜城前日惠林洪覺範雪

窻孤坐聽猿聲甚為時人所稱

山中風定夜沉沉月滿禪林靜客心蒼檜四排嚴法東孤松中立殷潮音

鼓鐘有節人如玉臺殿無塵地布金二月來游春尚淺紅梅無數照山陰

王防禦良臣

良臣字大用潞人承安五年進士作詩以敏捷稱又於內典有所得入翰
林與李欽叔善從軍南征欽亦預行道中酬唱甚多有詩云蒿花冉冉蜜
脾香禾穗曩曩鵲眼黃縷晚煙吹不去為誰看意護秋霜欽叔愛之興
定初自請北行没于軍中贈孟州防禦使

送任堯二生赴舉

塵遊鰲鈞公子恨風吹馬耳謫仙愁皇天老眼成人晚今日男兒得志秋
官樣文章堆筆底世情風色候江頭主司不是冬烘物五色迷人莫浪憂

沐堤懷古

迷仙樓觀鬱連空一日都歸鬼唾中奢則兆亡天聽邇去而不返水聲東
鎖煙弱柳愁蛾綠閣雨幽花淚臉紅總為錦帆歸不得至今啼鳥怨東風

旬休飲

嫋嫋東風雪外還又催春色動谿山百年莫作千年調十日須謀一日閑
千丈歸心詩卷裏襟豪氣酒盃間醉鞭約住黃昏月馬首低懸玉半環

息軒

乾沒皇皇西復東不知假息禍機中黃金一旦隨肢篋腐骨千年付攬蓬
世味甜於刀上蜜人心苦似夢中蟲一庵松雪雙明底笑殺西山槁項翁

九月七日飲

紫霞零落帶孤禽平楚蒼蒼秋意深月過初三半梳玉菊迎重九蒲籬金
天冷病骨商量煖垂侯歸程計會陰風鴈飛來更瀟洒一枝蘆雪印波心

牧牛圖

三摩不受二塵侵本分功夫日念深杖屨得迴遊子脚葛藤灰盡老婆心
顛狂不作風頭絮出入誰傷并底金回首人牛在何許一江明月夜沉沉

狸奴畫軸

三生白老與烏負又現吳生小筆前乞與黃家襍鼠禍莫教虛費買魚錢

雜詩三首

道人知我愛禪房淨掃階前紫石牀軟飽三盃風味好脫巾和月卧昏黃
老子平生酷愛閑天教行處得禪閑粥魚敲落簷頭月猶在梅花醉夢閒
殘陽收拾弟兄行揀得機心不到鄉安置小奴今夜夢蘆花風細月如霜

高治中庭玉

庭玉字獻臣思州人大定末進士章宗衛王朝甚有時名為人豪爽尚氣
節一時名士多歸之貞祐初自左右司郎官出為河南府治中與知府復
興屢以公事相可否時都城受圍使驛阻絕復興為安撫副使懼獻臣謀
已乃以造逆許之獻臣就速龐才卿雷希顏王士衡辛敬之皆被羅織幾
有一網之禍比赦至獻臣瘦死矣獻臣多作詩賦海中牛頭云鑿開渾沌
竅闖出神農首人多稱道之猶子廣之今在河平

天津橋同李之純待月一首

驟鷺追散仙乘槎抵銀潢跳上玉龍背抱得銀蟾光素娥秋不歸再拜捧
瑤觴問以天上事玉色儼以莊爾能為我歌白雪我亦為爾搗玄霜不然
借我廣寒殿與我長作無何鄉傍有謫仙人拍手笑我狂天風忽吹散人
月兩茫茫

柳絮

斷送春歸去紛飛不暫停和風三徑雪微雨一池萍蝶惹依芳草蜂沾過
小庭靜宜投隙地狂欲攬青真得得穿朱戶時時撲翠屏黃鸝鳥枝上語似

與許飄零

道出平州寒食憶家

柳色方濃別玉京程程又值石龜城山重水複八千里月苦風酸鴈一聲
上國春風桃李葉渡東陽寒食杏花錫楚魂蜀魄偏相妬兩地悠悠寄此情

飛山怨

漢家自有飛將軍軍中駭嘆箭有神一朝乃與獄吏對惜無千金書牘背
手把屬鏤口銜須號天者三我何辜伊吾壯志長已矣不得提携玉龍死
可怜休唱白浮鳩至今秦人悲杜郵

李治中謫

適字平甫欒城人明昌二年進士高才博學無所不通為人滑稽多智而
不欲表表自見工畫山水得前輩不傳之妙龍虎亦入妙品然皆其餘事
也泰和中大興幕官時虎賊知府事賣權恃勢奴視同列平甫每以公事
相可否不少假借又摘其陰事數十條欲發之虎謀篡者也聲勢熾熾人
莫敢仰視乃為一書生所抗積不平先以非罪誣染之幾至不測雖有以
自解竟坐是仕宦不進以東平治中致仕閑居陽翟十餘年自號寄庵先

生平生詩文甚多如云舊管新收粧鏡在昨非今是酒盃乾贈筆工云工
不能書何以筆士須知筆乃能書感事云半錢利路人乃虎一鈎名餌吾
其魚魯山道中云老夫自喜林野僻路人頗笑衣裳寬散失之餘不復全
見矣臨終戒家人吾明日歸而輩慎勿遽哭果如期而逝家人哭不禁良
久開目云戒汝勿哭令我心識散亂言畢目復瞑其明了又如此子治字
仁卿正大七年收世科屏山贈詩所謂仁卿不是人閒物太白精神義山
骨者也

贈中山楊果正卿

士道彫喪愁天公陰霾慘慘塵濛濛三冬不雪春未雨野桃無恙城西紅
春光為誰作駘蕩造物若我哀龍鍾數行墨浪合眼死一包閑氣終身窮
中山公子文章雄雅隨童稚為彫蟲彌衡不遇孔文舉坡老懶事陳元龍
雄之與阿將無同乾坤萬里雙飛蓬飄飄南北東西風

江村

陸地無根客江村有髮僧兩盃殘喘粥一寸苦吟燈

集句題廣寧勝覽亭

簷前無數好峰巒醉眼詩腸冰雪寒木識閭山真面目請君來此凭闌干

獅子峰

解脫眼光三界靜端公伎倆一時休雲間正使金毛現子細看來是石頭

送窮

昔年曾作送窮詩結柳賞糧擬退之送去還來還復語君家猶有讀書兒

使高麗

去國五千里馬頭猶向東臣情蕉葉鹿茸味藜心蟲倦枕三更夢征衫八月風山川秋滿眼歸思寄孤鴻

陳司諫規

規字正叔稷山人明昌五年進士傳學能文詩亦有律度為人敦厚動有禮節南渡以後諫官稱許古陳規而正叔不以許直自名尤見重云仕至右司諫卒官子良臣今在燕中

送雷御史晞顏罷官南歸

五事前陳志拂劇屹如砥柱閱頹波一麾共惜延年去三黜何傷柳季和運蹇仕途如我老激昂衰俗在君多扁舟南去知難戀萬頃煙波一釣蓑

過驪山

豐鎬無由問故基三章止見黍離詩而今多少華清石都與行人剋豔辭

馮內翰延登

延登字子駿吉州人承安二年進士令寧邊日適閑閑公守此州與之考論文義相得其歡故子駿詩文皆有律度正大未奉命北使見留使招鳳翔不從欲殺者久之割其鬚鬚羈管豐州二年乃得還天興初元授禮部侍郎京城陷自投井中子駿資稟淳雅與人交殊款曲讀書長于易左氏傳好賢樂善有前輩風調宜欲作國朝百家詩而不及也有集號橫溪翁予過大名見於其子源如賦德順道院隴泉云玉壘制方維瓊將闕仙宅何人斷雲根一旦泄地脉金匱鎖龍葉月窟逗蟾液銅壺漏水清玉斗天醴碧光搖日千道影落天一席窈然仇池穴自與天壤隔又登封途中遇雨留僧舍云濕雲若煙依飛雨如矢集近山夜已涼薄寒復相襲霽景函草木秋意滿原隰林紅寒更殷山翠晴更濕不知高幾許但見蒼壁立群峰誰暇數筵笏紛載載騰擲來眼中左右疲顧揖其得意句也

鄆城道中

北風慘澹揚沙塵，西三日無行人。十村九村雞犬靜，高田下田狐兔馴。
昨朝屏息過溪口，知有白額藏深榛。赤子弄兵更可憫，路傍僵尸衣血新。
野叟偃偃行拾薪，欲語辟易如驚麕。瘦梅疎竹未慰眼，只有清淚沾衣巾。

元日隆安道中

山岡重複三竿日，溪路縈迴一席天。老境飄零情更惡，又從馬上得新年。

宿三家寺

老栢蒼蒼纏去老，藤招提牢落有殘僧。冥禽自入藏經閣，飢鼠時窺照佛
燈。未得安心如北秀，却思覓法赴南能。濛濛雨暗門前路，更得雲房一曲肱。

代郡楊叢之與余同辰月日時亦然渠有詩因爲次韻

陰陽疊疊定何如，自信祥金既有模。曾見唐生談躍馬，豈知阮籍亦窮途。
倦游笑我裘驕白，弄筆怜君醉袖烏。便欲移書與歐九，略分餘論爲嗑枯。

寄笏青柯平

飛雪驚沙捲屋茅，清寒潑水透綈袍。松風度壑江聲遠，蘿月當軒扇影高。
敢對名山談世事，不妨空腹貯離騷。且將手版牢藏起，政恐山人識馬曹。

射虎得山字

田翁太息論三害，獵騎俄驚見一斑。涎口風生雷吼怒，角弓寒勁月痕彎。
柳營共許千人敵，魚服仍餘一矢還。我欲殘年賞神駿，短衣匹馬夢南山。

雪

屋破寒無那，庭空雪已深。山川非舊觀，松栢見貞心。凍雀爭遺粒，棲鴉點
暮林。携琴訪溪友，清興憶山陰。

華清故宮

寵貴羊羔退曲江，華清霧閣對雲窓。層巒未了霓裳舞，遷客俄驚羯鼓腔。
蒼際踈星疑曉鏡，天邊晴樹認高幢。遊人尚喜風流在，白石涵波阜筴雙。

西園得西字

芳迳層巒出，百鳥啼芝屢。蘭畹自成蹊，仙舟倒影涵。魚藻畫棟銷香，落燕泥。
淑景晴薰紅樹，煖蕙風輕泛碧。藜低岡頭醉夢，俄驚覺歌吹誰家在竹西。

八月十四日宿官塔下院二首

野僧引客看脩竹，拄杖入林驚。瞑禽一道細泉鳴，薜磴恍如閑聽穎師琴。
喬松脩竹翠交陰，涼月玲瓏地布金。老懶無詩酬節物，夜涼閑聽候蟲吟。
探春得波字

好雨新晴景氣和東陂冰盡水增波
茅茨影裏燕雙語桃李梢頭春幾何
霽靄未收芳陌潤斜陽偏傍小樓多
雕鞍畫轂方爭道更得留連藉綠莎

春雨二首

山市人歸暮雨飛倚筇久立看簷
霏年來孰若懸麻密暫止聲如鼓瑟希
砌下蟻歸位赤幘簾間燕入濕烏衣
今宵客夢知安穩厭浥新涼到枕幃
小雨濛濛潤上膏谷風習習不驚條
晨煙半濕任平野春水初生沒斷橋
已見鵝黃勻柳麥更看檀紫上榆椒
從今樂事知相繼栴比雲平看龍苗

藤花得春字

白白紅紅委暗塵蒼藤次第着花新
龍蛇奮起三冬蟄纏絡紛垂百尺身
見說紫雲偏得意不知翠幄巧藏春
齋厨晚甌清香蒲未信侯門有八珍
蘭子野晚節軒

華顛益信寸心丹直道亭論末路難
不嘆士元淹驥足但憂仲叔累猪肝
籬根佳菊分秋色簷外長松耐歲寒
几有琴書尊有酒却愁兒輩覺清歡

洮石硯

鸚鵡洲前抱石歸琢來猶自帶清輝
芸窗盡日無人到坐看玄雲吐翠微

劉鄧州祖謙

祖謙字光甫安邑人承安五年進士
歷州縣有政迹拜監察御史以鯁直
稱其不能俯仰世好蓋天性然也正大
初爲右司都事除武勝軍節度副使
召爲翰林修撰家多藏書金石遺文
略備父東軒工畫山水故光甫以鑒
裁自名至於信筆作簡牘尤有可觀
一時名士如雷御史淵李內翰猷能
王右司渥皆遊其門得入一詩可傳
必毅勤稱道唯恐不聞人以此稱之
子敏仲今在平陽

雅集圖

翠雀翩翩野鶴孤玉京人物會仙圖
後來且莫輕題品席上揮毫有大蘇

崆峒山圖爲擴溪翁賦二首

好竒仍有客相携絕頂披雲快一躋
三十六峰青似染五年拄笏羨橫溪
獨占名山每羨溪京塵今日汚吟須
西州十載經行處惆悵雲煙是畫圖

高傳川憲

憲字仲常遼東人祖衍字穆仲國初
進士仕至吏部尚書伯父守義大定
十六年進任父守信以蔭補官叔守
禮宣徽使仲常黃華之甥幼學於外

家故詩筆字畫俱有舅氏之風天資穎悟博學強記在太學中諸人莫敢與抗泰和三年乙科登第自言於世味澹無所好唯生死文字間而已使世有東坡雖相去萬里亦當往拜之屏山故人外傳說仲常年未三十作詩已數千首矣釋褐博州防禦判官遼陽破沒於兵閒

元夕無燈

九陌無燈夜悄然小紅時見點春煙多情唯有梅梢月拍酒樓頭照管絃

寄李天英

稻粘蒼蒼陂已枯西風剪弄楸梧兼葭水落魚梁迴蟋蟀聲高山驛孤社爰新成元亮酒并刀細落李膺鱸作詩遠寄霜前鴈人在海東天一隅

題新山寺壁

列壑攢峰發興新落花飛絮舞餘春虛堂坐視三千界冠者相從五六人澗草軟宜丞屐齒溪泉清可濯纓塵靜聽山鳥松風裏始悟人間樂未真

焚香六言四首

抹利花心曉露薔薇萼底溫風洗念六根塵外志情一炷煙中蒲地落花春曉一簾微雨輕陰正要金蕉引睡不妨玉隴知音

帟帳收煙密下松灰卷火常虛午寂春閑小睡人間自有華胥
沉水濃薰甲煎宮梅細點波津奕奕非霧依依如幻如真

長城

秦人一鍛連雞翼六國蕭條九州一祖龍跋扈後心開牛豕生民付砥礪
詩書簡冊一炬空欲與三五爭相雄阿房未了蜀山上石梁擬駕滄溟東
生人膏血俱枯竭更築長城限襄陽卧龍隱隱半天下首出天山尾遼碣
豈知土秦非外兵宮中指鹿皆庸奴驪原宿草猶未變咸陽三月為丘墟
黃沙白草彌秋塞唯有坡陀故基在短衣匹馬獨歸時千古興亡成一慨

王監使特起

特起字正之代州崞縣人智識精深好學善論議音樂技藝無所不能長
於辭賦出入經史摘其英華以為句讀如天造神出至得意不減郭繡在
張代州門下與屏山為志年友泰和三年進士甲科調真定府錄事叅軍
有惠政民立碑頌其遺愛改令沁源又遷司竹監使朝議欲以館職召試
會卒遊龍德宮聯句云棘猴未窮巧槐蟻或失王賦雙峰競秀云龍頭轟
雙角駝背堆寒峰華山云三峰盤地軸一水落天紳造化無遺巧丹青總

失真閑閑公屢哦此詩以爲妙

沁源山中

野夫不識武城宰問之無言色微改但說今年秋雨多黃氏蒲谷無人采
踏徧西城錦石盤暮投佛屋解征鞍隔林依約見燈火山谷人家初夜寒

張代州挽大節

砥柱堂堂閱潰川諫書一帛力回天兩朝眷倚傳龜玉五郡歡誥被管絃
芟舍棠陰餘舊綠夜臺松月耿孤圓行人謾洒碑前淚誰識顏公是地仙

謾作

有時幽鳥話心事無限秋蟲誇口才北闕上書吾老矣東籬把菊思悠哉
竹林留得巨源在蓮杜招入淵明來不然餘子敗人意懷抱耿耿胡爲開

偶作

人情爭勝似爭碁死怕輸人一着遲黑白不分優袖手年來吾亦愛吾癡

絕句二首

山勢奔騰如逸馬水流委曲似驚蛇溪靈不欲露天巧眼力未到雲先遮
鳥語留春春已迴落花隨意則蒼苔清明寒食因循過萱草薔薇次第開

下弟

人間萬事等樗蒲敢謂何人不得盧勝負到頭俱偶爾狂夫安用繞牀呼

李經

經字天英大定人作詩極刻苦如欲絕去翰墨蹊徑間者李趙諸人頗稱
道之真有詩云鴈奴失蹊更拍拍叫秋水天長夢已盡秋思紛難理最爲
得意其餘或有不可曉者累舉不弟卒

雜詩六首

長河老秋凍馬怯冰未牢河山冷鞭底白暮風更號
晨井凍不爨誰療壯士飢天廐玉山禾不救我馬羸

塵埃汨沒伺候工離騷不振矜魚蟲風雲誰復話著蔡不圖履狶哀屠龍
挾戕弱管坐書空呶嗶堂上酣歌鐘乃知造物戲兒童不妨遠目送歸鴻

莫怪魏瓠無所容此去未許江船東五經不掃途轍窮門庭日月生皇風
太阿剖室礪以石坐掃鶴鶴搖天雄

巖椒鬱雲日夕生陰雨雪縞夜秋黃老林人煙墨突樵徑雲深
造物開巖地巖帳揜劍壁苔花張古錦霜苦老秋碧日夕雲竇陰風鼓泉

湧石馬蹄忌磽确樵道生荆棘盤盤出井底迴首悵如失長老不耐事底
事挂塵迹披雲出山椒白鳥表林際

梁太常持勝

持勝字經甫絳州人本名洵義避宣宗諱改父襄字公贊大定初進士質
直尚義有古人之風仕至保大軍節度使有諫興陵田獵薄於世其賀
章宗即大位表云曾天子祖天子世嫡相承舜何人予何人自強不息又
自河南府倅移華州防禦使謝上表云昔同雒尹已陪嵩岳之呼今領華
防願効封人之祝世亦稱之經甫泰和六年進士制策優等宏辭亦中選
為人儀觀雄偉以文武志膽見稱貞祐初由太學博士為咸平治中宗室
承裕辟為僚佐承裕死太平謀不軌以兵脅經甫使作文移經甫大罵不
從即日遇害時年三十六贈韓州刺史初赴官有詩云山雲欲雨花先慘
客路無人鳥亦悲以為識云

海棠一首

野杏山桃委路塵芳華都屬錦城春只緣造物偏留意任使無香亦可人
粉白謾誇粧樣巧胭脂難染睡痕新沉香亭子勾欄畔消得君王比太真

愚軒居士趙元

元字宜之定襄人經童出身舉進士不中以年及調鞏西簿未幾失明自
少日博通書傳作詩有規矩泰和以後有詩名河東李屏山為賦愚軒有
落筆突元無黃初之句愚軒宜之自號也用是名益重南渡以後往來洛
西山中閑閑公雷御史王子文許至忠崔懷祖皆愛之所至必虛左以待
為人有材幹處事詳雅既病廢無所營為萬慮一歸於詩故詩益工若其
五言平淡處他人未易造也宜之之父名淑字清臣由門資叙與先隴城
為莫逆交故好問交游間得宜之之詩為多子顯有隱節今居鄉里

鄰婦哭

鄰婦哭哭聲苦一家十口今存五我親問之亡者誰兒即被殺夫遭虜鄰
婦哭哭聲哀兒即未埋夫未迴燒殘破屋不暇葺田疇失鋤多草萊鄰婦
哭哭不停應當門戶無餘丁追宵夜至星火急并州運米雲中行

渡洛口

一脉寒流兩岸冰斷橋無力強支撐志機羨殺沙鷗好不省人間有戰爭

書懷繼元弟裕之韻

著龜不須問我命只自知多生墮宿業世網纏綿之驛駒受羈銜大笑跛
鼈遲跛鼈亦復笑縮首甘自卑何必參漆園物理本自齊檳榔可消穀志
士常苦飢穡之萬人雄猶不免此譏我懦更多病區區欲何為鍾鼎不可
倖藜藿分所宜安能如黃蜂為人填蜜脾清白儻少污軒後人所貽初
學悔大謬篆刻工文辭年來厭酸鹹淡愛陶潛詩愛詩固自佳其如未忘
機回頭四十年言動俱成非誰能逐世利日久常規規惟當種溪田與子
常相期

窳靡有生意山間春到時長安冠蓋塵游哉不如茲西疇將有事老農真
吾師不見元魯山夢寐役所思遺山乃其後僻處政坐詩時復一相過照
眼珊瑚枝奇書多攜來為子卧聽之

少從白衫游氣與山崢嶸一念墮文字腸腹期拄撐多機天所災室暗燈
不熒拈書枕頭睡鼻息春雷鳴泰山與鴻毛何者為重輕蹄泓與渤澥誰
能較虧盈如能平其心一切當自平

嵩箕有奇姿出雲何悠然雲山足佳處留客今幾年有子罷讀書求種山
閒田栗里愧淵明香山慚樂天二老已古人相望雲泥懸得酒邀月來對

影空自憐攝衣起舞稚子不須牽

喜霽

片段溪雲破縱橫野水淙人閑泥塞路蠅動日烘窻亂壁苔痕滿侵堦樹
影雙還思釀新黍瓮面挹秋江

詩送辛敬之東歸二首

風埃憔悴舊霜袍老去新詩價轉高橡栗漫山猶可煮不須低首向兒曹
文章無力命有在一點浩然天地間風雪滿頭人不識又携詩藁出西山

修城去

甲戌歲折城陷寇復完治
途中聞哀嘆聲感而有作

修城去勞復勞途中哀嘆聲嗷嗷幾年備外敵築城恐不高城高慮未固
城外重三壕一鏃復一杵瀝盡民脂膏脂膏盡猶不辭本期有難牢護之
一朝敵至任推擊外無強援中不支傾城十萬口屠滅無移時敵兵出境
已踰月風吹未乾城下血百死之餘能幾人鞭背駢行補城缺修城去相
堇泣一身赴役家無食城根運土到城頭補城殘缺終何益君不見得一
李勣賢長城莫道世間無李勣

田間秋日三首

好雨知時便放晴天和醞釀作西城秋收但得官軍飽未怕輸租遠十程
禾穗纍纍豈角稠崧前村落太平秋熙熙多少豐年意都在農家社案頭
皤翁偃僂負新行稚子跳梁剥棗聲不似二姑忙更殺晚春椎髻脫釵荆

客况

廬山踏遍却歸崧世事悠悠付老慵樂近僧居非佞佛苦無田種強爲農
菊花雨似人情冷梨葉霜如酒力濃一十五秋河表客合教節物笑龍鍾

學稼

不堪炊煮一箱書十口東西若可餬食祿已慚中隱更墾山聊作下農夫
膏遺場圃無多積子入官倉困遠輸近日愚軒睡眠少打門時復有追胥

立秋日

况味年來老比丘禪房三伏得遲留連宵雨作垂垂曉十口家貧盼盼秋
熟未先須伺禾黍有無何暇問衣裘半生狂却親燈火一事不成空白頭

村居夏日

官府不著名散跡村落深白雲自朝暮青山無古今愛此夏日永門巷多
繁陰呼兒具繩床不履亦不簪殷勤好風來爲我消煩襟飽萬事了何

用腰黃金羈勒困名馬網羅多珍禽何如山鹿癡吻吻戀長林

次韻答裕之

薄暮敲門喜客佳水萍風絮共天涯行藏一話傾心肺古律三詩淬齒牙
朱研不妨閑度日青山終得共食霞扶持老病須君輩蒲地豺狼萬里家

書懷

懶退無心廩與庖願携諸子斲山礲閑消白日醒吟醉猛省浮生夢幻泡
窈窕雲山三兔窟漂搖風樹一鳩巢聯名便入村家社莫認公卿是故交

寄裕之二首

汨沒兵塵滿鬢霜買鄰心樂古清涼閑陪老秀春行脚悶欠矐元夜對床
正欲脫身求兔窟誰能隨世轉羊腸南陽未比嵩陽好蒲眼交游即故鄉
老懶愚軒百不能飽諳人意冷於冰清狂舊日耽詩客灰朽而今有髮僧
夢裏帝衾三丈日誰延雪屋一龕燈新開一選通蘭若斬盡清涼舊葛藤

丙子夏卧病汗後有作

枯腸得水若通靈渙汗週身一雨零行客筋骸困方歇醉人心骨喚初醒
病蟬移夢入新殼老鶴息神梳舊翎乞得殘骸對兒女不愁無粟貯陶瓶

宿少林寺

雙輪走雞棲下嶺分間道行行得精舍翠嶂作迴抱諸峰知客來故顏
色好征衫蒲塵土慚愧方丈老殷勤一瓣香爲我除熱惱世緣如落花離
裊跡俱掃箇中有佳處行脚恨不早一庵祖師傍異日親結草

晚出

坐久卧還起畏此夏日長出門驢騷騷西日明半墻鳩鳴舍東柳雌和墻
南桑十日暑煩苦一雨方論量偶然釋憂抱露坐移繩床群兒莫相催老
子便晚涼

次韻裕之見寄二首

魚入深淵鶴在陰飛潛何幸遠庖砧乾坤萬里雲無迹冰雪三冬栢有心
故國鉤留清夜夢歲華分付白頭吟莘川擬作桃源隱共與青山閱古今
古屋颼颼四壁塵不堪憂獨足吟呻瓶儲看客常年慣家具爲農近日新
世味飽嘗唯可睡詩情漫苦不醫貧相從分我西山半欲乞驪元伴老身

題裕之家山圖

繫舟盤盤連石嶺牧馬澄澄倒山影山光水氣相混涵中有元家舊廬并

鴈門一開豺虎場駕言投迹萬之陽青山偃蹇不可將十年竟隨兵塵黃
東巖風物知猶在說與寄庵神已會一揮淡墨能似之清輝遠寄形骸外
元家故山吾與鄰夢見不如畫圖直舊曾行處聊經眼未得歸時亦可人

早發寶應龍門道中有感

山僧送客客行東回首雲寮夢寐中人語呶啣村店火帽簷歌側石門風
伊川遠映春冰綠少頂先攬曉日紅爲問年來幾還往只應烏鵲識襄翁
欽若遽有商於之行作長語爲別兼簡仲澤弟一笑

廬山鉉然深可居洛水蚓然清可漁嘉哉山水有如此不能留客如遽廬
楚茅不入干王誅大帥分闔臨商於謀叅帷幄渴英俊鬼羅遠到山間癯
隴西四欽出將種人愛若也温而愉竭來誰飛薦鸚書枕前隨檄催馳驅
行參幕賓亦大可把酒當爲帥君賀王家仲澤如仲宣共看吐奇飛玉唾
一軍號令雅歌中聲落荆蠻膽先破愚軒退居如甑墮閑暇多君時見過
明朝笑語隔関山一月須拚面墻卧

丁亥三月二十五日雪

史變乾將至陰凝陽不流雨飛猶帶雪風急似號秋草木無春意関河慘

客愁天心寧易測三嘆索冬裘

大暑

旱雲飛火燎長空白日渾如墮甑中不到廣寒冰雪窟扇頭能有幾多風
讀樂天無可奈何歌

鳧脛苦太短虻足何其多物理斬不齊利劍空自磨老跼富且壽元惡天
不訶伯夷豈不仁餓死西山何天意寓真邈人心徒揣摩不如且飲酒流
年付蹉跎酒酣登高原浩歌無奈何

哀古道

山深道壞水縱橫怪得春來少客行不信天教人迹斷水乾更遣蒺藜生
薛鼎臣罷登封

弄人鼓笛不相疑便着當場傀儡衣終日抱飢唯飲水也和醉客一時歸
鼎臣村大夫宰登封有惠政今以例罷故有七句

密國公璫

密公字子瑜興陵之孫越王之長子百年以來宗室中第一流人也少日
學詩于朱巨觀學書于任君謨遂有出藍之譽文筆亦委曲能道所欲言

朝臣自閑閑公楊禮部雷御史而下皆推重之資雅重薄於世味好賢樂
善寒士有不能及者明昌以來諸王法禁嚴諸公子皆不與得外間交通
故公得窮日力於書讀通鑑至三十餘過是非成敗道之如目前越王薨
後稍得出游文士輩亦時至其門家所藏法書名畫樂與中秘等客貧
不能具酒肴設蔬飯與之共食焚香養老盡出藏書商畧之談大定明昌
以來故事或終日不聽客去風流蘊藉有承平時王孫故態使人樂之而不
厭也所居有樛軒又有如安自號樛軒老人其詩號如庵小橐園城中以
疾薨時年六十一

秋郊雨中

羸驂破蓋雨淋浪一抹煙林覆野塘不着沙禽閑點綴只橫秋浦更淒涼
宴息二首

宴息春光晚閑眠晝景虛冥心居大道達理契真如樂對忘形友欣逢未
見書世閒幽隱者何必盡樵漁

日日閒窓下簾瓢樂不殊花魁穠且艷湖玉秀而臞憶友尋詩卷思嵐
畫圖丹青傳六逸能著老夫無

梁臺

汴水悠悠蔡水來秋風古道野花開行人驚起田間雉飛上梁王鼓吹臺

自適

晴晝搖涼光長空澹虛碧燕鴻亦何為老翅南又北衰柳墮殘葉庭戶覺
岑寂幽人誦佛書清香紫几席西方病維摩東臯醉王績俱到忘言地佳
處畧相敵小齋蝸角許夜卧膝仍屈能以道眼觀寬大猶四極有書貯實
腹無事梗虛臆謝絕聲利徒尚友古遺直

城西

雁帶邊聲遠牛橫廢壠長人居似河朔岡勢接滎陽禾短新村野沙平古
陣場悠然望西北暮色起悲涼

送王生西游

飛

紫陘仙人今淵雲騎風御氣七尺身丈夫耻與噲等伍故作野鶴昂雞羣
往年書劍游梁日咳唾中間滿珠璧温子徒勞手八义蘇老猶迷日五色
慨然拂袖遊嵩陽西南陌上書傳香仲宣堂堂舍我去舉杯却愁愁更長
去程相近黃花節三十六峯如玉列龍門楓葉隨紅綃洛浦蘆花舞晴雪

動名細事猶秋毫政可痛飲讀離騷天津月照紫綺裘維嶺風吹青玉簫
我無羽翼隨君起浩歌相送秋光裏憑高西望青茫茫落日無情下寒水

王生以秋騷見示復此謝之

三年京國與君遊每限知君尚未周始露雄文陵楚些又登長陌佩吳鉤
燈殘茅店雞催曉霜落金風鴈喚秋後夜文星出西洛仲宣知在水南樓

自題寫真

枯木寒灰久亦神應緣來現昨公身只因酷愛東坡老人道前身趙德麟

博軒常封
胙國公故云

黃華畫古栢

黃華老人畫古栢鐵簡將軍挽大弨意足不求顏色似荔支風味配江瑶

鐵簡方戶以
神射名天下

書龍德宮八景亭

刻楠朱楹墮紺紗裙腰草色趁堦斜誰知剝落亭中石曾聽宣和玉樹花

思歸

四時唯覺漏聲長幾度吟殘蟄燼缸鷺夢故人風動竹催春羯鼓兩敲窗

新詩淡似鵝黃酒歸思濃如鴨綠江遙想翠雲亭下水滿陂青草鷺鷥雙
如庵樂事

人間最美安心睡睡起從容盥漱終七卷蓮經熟沉水一杯湯餅發油恣
因循默坐規禪老取次拈詩教小童炕煖窓明有書冊不知何者是窮通

題晉卿玉暉寶繪

顧陸張吳寶繪堂風花雪月保寧坊錦囊玉軸三千幅翠袖金釵十二行
數筆丹青參季范一時遷謫爲蘇黃太原珍玩名天下舊跡猶憑古印章

得友人書

聞有書來喜欲狂紫芝眉宇久難忘別離唯嘆我頭白詩句屢成君馬黃
公幹羈栖猶洛下孔明高卧尚南陽冷官領取閑中趣遠勝區區夢蟻忙

內族子銳歸來堂

一旦能知夢裏真平生看破車中寶歸來堂上忘形友名利場邊稅駕人
東郭風煙宜蕙帳南山猿鶴識綸巾清尊雅趣閑茶味香盃盃冲和局局新

題潘閔夜歸圖

不是詩人灞水壩又非野老曲江邊風姿便認王摩詰蘊藉還疑李謫仙

驢背倒騎蓮岳下牛腰穩跨竹林前掀髯對月餘高興明日佳篇幾處傳

漫賦

貧知囊底一錢無老覺人間萬事虛富貴儻來終作麼動名便了又何如
季膺未飽松江鱸會望將成笠澤書自是杜門無客過不閑多病故人踈

寓跡

寓跡中山記昔年西溪卜築欲終焉飄零何在五株柳離亂難歸二項田
漫更未能忘野寺道人猶解識林泉吾姊已宅無何有一笑醯雞盡五天

秋晚出郭閑遊

塵市俗事海漫漫暫出城闔借眼寬沙麓去邊羣牧小野雲平處一鷗盤
殘荷露水秋光晚衰柳搖風古渡寒此幅大年橫景畫魚圖圖上似曾看

老境

老境唯禪况幽居似寶坊酒盃盛硯水經卷貯詩囊懶甚書彌少閑多夢
自長不知何處雨徑作夜來涼

北郊晚步

陂水荷凋晚茅簷燕去涼遠林明落景平麓淡秋光群牧歸村巷孤禽立

野航自語閑散樂園圃意尤長

閑詠

歲晚陶元亮平生馬少游凋殘半枯木浩蕩一虛舟鶴望塵迷眼雞棲屋打頭瓶儲尚蕭索為敢計菟裘

池蓮

輕輕姿質淡娟娟點綴圓池亦可憐數點忽飛荷葉雨暮香分得小江天

梁園

一千八里沐堤柳三十六橋梁苑花縱使風光都似舊北人見了也思家

釋迦出山息軒畫

厖眉袖手出巖阿及至拈花事已訛千古靈山山下路杖藜無處避藤蘿

過胥相墓

亭亭華表映朱門始見征西宰相尊下馬讀碑人不識夷山高處望中原

秋日小雨

白鷺徘徊花鴨遊城南城北幾汀洲綠荷風底飛來雨做弄今年甲子秋

東郊瘦馬

此歲無秋賦畝空病駭誰遣齏枯叢倉儲自益駑駘肉獨介空嘶首藉風

枕上聽雨

卧聽羯鼓打涼州元是芭蕉細雨秋庭際玉簪開幾許小窓特地暮香幽

溪景

飛飛鷗鳥自徜徉也解新秋受用涼日暮碧溪微雨過滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭幾許萬緣唯要總無心

春半喜晴

陰寒二月雪含雲兩日開晴淑景新借問海棠紅幾許杏花楊柳不曾春

漁父詞二首

楊柳風前白板扉荷花兩裏綠蓑衣紅稻美錦鱗肥漁笛閑拈月下吹
釣得魚來卧看書船頭穩置酒葫蘆煙際柳雨中蒲乞與人間作畫圖

馬伏波

可歎迂踈一老翁豈堪床下拜梁松明珠薏苡猶難辨萬里爭教論杜龍
留侯

辟穀輕身慕赤松不知誰舉傳春宮君方避溺猶居水忍使餘波及四翁

對鏡二首

鏡中色相類吾深吾面終難鏡裏尋明月印空空受月是他空月本無心
明明非淺亦非深何事癡人泥影尋照見大千真法體不關形相不關心


夏晚登樓



登樓晚暑復相攻使意清風忽此逢雲似碧山天似水霽波平浸兩三峯

華亭

世尊遺法本志言教外別傳意已圓隻履携將葱嶺去不妨來上月明船

中州戊集卷終





5

